

四知集卷之二

丁亥秋陈珩



廣東叢書第

二集

葉恭綽題



廣東叢書第二集序

自抗戰軍興上海廣州相繼淪陷智識之士流寓香港者日眾于是陸續發生鼓吹民族意識保全文物諸運動而于研究鄉邦文化發揚民族精神二目標之下復有廣東叢書編印會之發生衆推余主其事以同人之協力三閏月即編成第一集由商務印書館承印蓋李漢魂王雲五二君之力為多不料印已過半香港淪為日寇攻陷印本多燬于火余方被監押中聞之悵恨而已及來滬潛詢該館始知尚有燼餘不久寇降乃商之該館李經理澤彰補綴叢書殘將已燬及未印者從事製版時工料飛漲逾前萬倍

以上李君以錢前諾故不計贏絀兩月而就于是幾
于絕望之舉乃居然依違鶴的余四年懸念為之
一舒病中不覺強起捫揣一切復引起續印第二集
之望第其時工料漲價業已日新月異預算不能
確立即籌款亦難進行因商之省主席羅君卓英
先將第一集之半數由省政府包銷以為之基同時着
手于書目之選定但以市濤瞬變僅能為印行四冊至
六冊之備前此所擬第二集之書目殆無全印之望且
南海潘氏所藏元大德本南海志迄不允借出黃慈博
已逝其所輯紹武實錄亦云下落明成化廣州府志僅
殘本一冊亦漁太簡崇禎宮詞則經詳考斷為非屈

翁山作而黃慈博所校訂之楚庭神珠復難尋訪徐
信符之鈔本則泯脫過多矣無從校正嶺南名勝記
則卷帙太多于是羣意咸注于四朝成仁錄故集
中力量編印此書推綽綜司校訂先是翁山族人沛
霖曾有印行此書之願而苦無善本其所得之風雨
樓傳鈔本祇有三冊曾二綽為之廣蒐慈博采溢事
索稽以成完帙惟綽以年力日衰慮難卒業且人
事屢遷諸難預測因議先行彙校篇目字句由
廣東叢書會任印行之責以防散佚其事蹟之
考訂則誌之異日再竟全功于是由編印會以此
事屬之陳君樂素免廢半途時工料復飛漲不已

相顧幾乎束手後由黃君蔭普獲得李君允許
仍由商務印書館承印始得解決但卷帙不能不受
限制故以成仁錄為主而輔以菊山文鈔及薛劍公
文集勉成第二集視第一集內容之豐富為有愧
矣幸其價值不減于前稍可告慰于父老昆弟蒸綽
養病無似第三集之編印不能不望之鄉邦賢儔
如能達成年出一集之願嶺南文獻永昭垂則
蒸綽即撒手亦得瞑目斯非止一人之事也已時民國
二十六年九月番禺葉蒸綽序



廣東叢書編印略例

一本書以有關廣東文獻爲範圍。并先采集廣東人士之著述。但必要時。不以此爲限。

二本書不錄生存人之著述。但纂輯舊著。不在此例。

三本書分期印行。約以十冊至二十冊爲一集。依次續出。期於永久不斷。

四本書所選板本。悉取罕見難得者。間或彙編校訂數種稿本而成。如皇明四朝成仁錄。卽其一例。

五本書有續得文稿再行編印者。如翁山文鈔。及翁山佚文二輯。以其爲第一集所無。故繼續印行。免遭遺佚。

六本書之印行。志在發潛闡幽。藉供研究。深望各方碩學舉所

知見告以備甄錄以後各集

四本在清江浦... 三本在... 二本在... 一本在... 四本在... 三本在... 二本在... 一本在... 四本在... 三本在... 二本在... 一本在...

廣東叢書第二集書目

皇明四朝成仁錄十二卷六册

明屈大均撰 番禺葉恭綽校訂

翁山文鈔六卷二册

明屈大均撰 國立北平圖書館藏鈔本

附 翁山佚文二輯一卷 番禺黃蔭普輯

蒯緱館十一草一册

明薛始亨撰 番禺黃氏憶江南館藏鈔本

廣東叢書編印委員會職員表

主任委員

番禺葉恭綽

遐翁

常務委員

新會簡又文

馭繁

三水陸丹林

自在

番禺黃蔭普

雨亭

委員

番禺徐紹棨

信符

中山孫璞

仲瑛

台山馬小進

退之

順德李棧

勁菴

新會陳樂素

樂素

南海冼玉清

玉清

東莞李景新 景新

容縣黃華表 二南

...

台山張小龍

中山梁

委員 番禺

...

三水

...

主任委員

廣東省立第一師範學校
委員會職員表

皇明四朝成

仁錄

邑後學葉恭

綽題



屈翁山先生皇明四朝成仁錄序

余髫年侍先大父南雪公科嶽字畫見邑先輩屈翁山先生畫像余爰謂此必廣東人曰其顴高眼深有粵族特徵也南雪公謂小子何知此處先生不但文學為粵中三百年之傑且大節炳然宜仰止景行余稍長讀史籍益明先生志節即有志蒐采先生遺著後遇先生族人桂庭永秋謂沙亭祖祠曾有書數箴相傳戒勿開視光緒中為族人某取去今不知所在余悵歎者久之鄉人鄧秋枚黃晦聞單以文字鼓吹革命多闡述明末節義行實極推重先生所作四朝成仁錄余益嚮往此書而迄未得見民國二十七年余避

寇香港與諸同志研究鄉邦文化以發揚民族精神適徐信符藏書運港中有此書鈔本余始得讀之然僅三冊而已柳互于南下欲取以校訂成編以參考本太少中輟繼香港淪陷余被監押至滬聞翁山族人沛霖曾得秋枚所藏鈔本以屬郭君慶時校訂余因取閱郭君用力至勤然因在亂中之參考之資未能遂成完璧且聞此書之稿海內尚有數本亟宜匯集彙參遂多方訪求計先後凡得吳縣葉調生_{廷培}寫本十四卷吳縣張烱鵬_{炳翔}重編本十五卷番禺鄧伯堅_{慶時}重編本十二卷番禺徐信符傳鈔本三冊新陽陳鳳藻刊本一冊歷史語言研究所

鈔本二冊南京國學圖書館鈔本三冊計七種比較之
下當以道光中葉潤生匡瑄本為最善以其來源較
富且潤生本績學之士編校固不苟也因據葉本與
各本互校初意欲將郎君所致力者悉數列入以表
其勤嗣以郎校體例不止校勘字句而且攷訂事實此
其工作須讓之晚明史學專家方能完善如僅略加
斟注必致轉形疏漏且郎本所無各篇是否悉依郎
例尤難解決故攷力數月轉輿廢然余幽困中形
神交瘁遂亦致病但工作迄未中斷以若稿本陸續
訪求不易不忍閣置也家人屢勸余輟業余迄不聽每
醫生注射藥液後輒復執筆自是遂患頭眩心悸

至三十四年二月體益不支始行中止其時故冕人代
庖這不能得僅延翁若孫若略為整比而已日寇降
伏陳君樂素自黔來相見將執教浙江大學余因
以彙編之事屬之陳君欣然同意並決定注重于
編次篇目校正字句至于事實之攷訂僅限于三數
大端餘皆逆略以冀易于觀成陳君受事未一年
諸役告畢于是成仁錄可得一較整齊之稿本適廣
東叢書第二集將次編印因以此書編入俾三百年鄉
賢著作得以出供眾覽當亦屈氏後裔與鄉邦產
碩海內文壇所同深欣快者也所惜者陸存齋一本歸
于日本靜嘉堂者今在海東高鐫中吾國勝利以

遠仍不得一窺其蘊其較他本所獨有之三數篇庶
俟他日再行補入恭綽無似賴羣力成此以比于推翰
藍縷亦衰病中所自慰之一事謹疏其緣起經過
以為之序至依鄔君宗旨體例為事實之考訂此
則另為一事近日研究晚明史實者日多如能根據
此書兼考公私記載以補清脩明史之錯漏則誠區
所渴望蓋此乃今日歷史學者之所應有事非止闡
揚鄉賢遺著而已度岳先生族人亦深以為然也
民國三十六年九月邑後學葉恭綽謹序



皇明四朝成仁錄校訂例言

一是書乃就所見各稿本滙參而成其皇明四朝成仁錄之名曾見卷四西寧死事傳論中故從之

二是書似原為未定之稿且為清廷所禁故並無刊定之本而流傳諸本書名篇名卷數篇數以至字句均有異同茲就所見各本比較參稽加以寫定不敢云無錯漏意在成書留播免遭湮沒而已

三校錄是書之工作初意本在考訂兼施嗣以其事浩繁深慮汗青無日故又轉為祇從事篇目之次第與字句之訂補然參考所及如時地官稱姓名有顯見其疑誤者亦間為注出以資互證至於一切事實之

考核則留待他日

四是書之稿本先後所得計七種(一)吳縣葉調笙 廷璿

寫本名皇明四朝成仁錄凡十四卷所據稱曾見舊

鈔本外尚有所謂崑本肇本者惜內容年代均不能

悉然就所見諸本言此為根據最富且較早之本(卷

中簡稱葉本)(二)吳縣張叔鵬 炳翔 寫本亦名皇明四

朝成仁錄乃根據葉本參以他書改編較葉本略有

分合(卷中簡稱張本)(三)番禺鄔伯堅 慶時 校本先是

翁山之裔 白邦 得風雨樓舊藏皇明四朝成仁錄鈔

本四冊不分卷無序例無篇目且多脫誤因屬鄔君

校勘時廣州淪陷無他本可資對校僅能以他書參

證且有所敘述因編為十二卷(卷中簡稱鄔本)(四番
禹徐信符紹榮傳鈔本名皇明四朝成仁錄補篇每
朝一卷凡四卷四十七篇然以之與諸本比對却未
有足補諸本之闕者但似亦為一較早之傳本其中
字句仍足為校勘之助(卷中簡稱徐本)(五)新陽陳鳳
藻刊本名明季南都殉難記凡一冊不分卷光緒三
十三年所印屬國學叢書第四種由均益圖書公司
印行目錄之後有陳氏按語云先生原書目錄尚有
杭州死節傳建興死事傳海寧起義傳海寧死事傳
海興死事傳五篇惜皆亡失云云其中海寧死事一
傳諸本均闕惜陳氏未說明其所據者為何本末由

追溯(卷中簡稱陳本)(六)中央研究院歷史語言研究所藏鈔本名明臣盡節錄凡二冊不分卷有可以補諸本之闕者四篇為河南知縣死事傳新城死事王與胤傳無錫死事傳各省州縣死事傳(卷中簡稱史研本)(七)南京國學圖書館寫本名四朝成仁錄三冊不分卷原為錢塘丁丙氏所藏原序文曰嗚呼明季之事不忍傳實不忍不傳所當諱實不當盡諱者也聖朝寬大國史褒忠近復徵臣錫以通諡士民許以祠祭匪曰仇之直甚與之若遺聞紀略等書上諸輶軒必收歲閣亦何嫌何疑而令當時忠臣烈士湮沒不傳耶余於戊寅夏得徐司寇家藏屈大均成仁錄

一書翁山以目所親歷而又採實事以輯之可謂詳密者矣然尚有缺者不無遺恨因不自揣搜羅散佚積之數載彙為一帙發烈士之孤忠彰聖朝之盛德求仁得仁知無怨矣閱是書者謂余狂言也可大均撰此文語甚滑稽蓋文中明言補翁山之缺而末又署大均撰三字矛盾已極且全書所紀四十八人除王璣外餘皆見於明史而其文亦幾與明史全同似即鈔自明史者又凡清兵皆稱大清兵可決非翁山所作故不克採用除此七種外日本靜嘉堂文庫漢籍分類目錄亦著錄是書凡十六冊不分卷原屬十萬卷樓舊藏抗戰軍興以迄勝利至今未獲見其本

謝國楨晚明史籍考卷二則具載其篇目然其文則
莫由取校(卷中簡稱靜嘉本)以上各本其來歷均難
上溯然葉本似最有淵源且較完備故此以葉
本為底本而以其其他各本拾遺補闕並間參他書訂
其脫誤期不失原書之真相

五原書分崇禎弘光隆武永曆四朝其各篇之次序應
依年月排列然諸本頗不一致今斟酌內容重為編
配大抵年月不詳者則列於每朝之末月分不詳者
則列於是年之末兼跨數年者以篇中成仁最早者
之年月為準兼跨數朝者列於全書之末如生員死
義傳雜流死義傳原文以類相從合而為一成仁年

月互於四朝故歸入書末又翁山此書所紀限於四朝僅諸武臣死事傳中之童仲揆一人殉於天啓原屬例外故仍以畿輔死事傳居首

六各本鈔寫時代不一其字句間有循俗誤鈔者如避清代廟諱玄作玄或作元胤作胤或作允或作裔弘作弘或作洪寧作甯淳作淳之類有無知妄改者翁山避明諱松作嵩常作嘗洛作雒由作繇校作較檢作簡之類常被竄易又有傳寫訛脫者今以各本互勘加以改正

七是書之校訂前後凡閱五年其直接間接於此事有貢獻者如徐信符柳亞子陸丹林屈沛霖徐森玉柳

翼謀簡又文黃雨亭袁守和王佩諱翁子光孫伯亮
陳樂素諸先生洪美英女士均多所致力而綜貫全
書尤深得陳樂素先生之助合並附志

皇明四朝成仁錄目錄

卷一 崇禎朝 起二年迄七年

畿輔死事傳

此傳原闕據鄔本補
徐本靜嘉本亦有之

1
|
9

各省州縣死事傳

此傳原闕據
史研本補

10
|
16

諸武臣死事傳

此傳並見張本及靜嘉
本惟靜嘉本在永曆朝

17
|
18

大凌河城死事傳

此傳並見張本鄔本靜嘉
本及徐本惟徐本在弘光

朝無
城字

登萊死事傳

此傳並見張本鄔本靜嘉
本徐本惟徐本在隆武朝

19
|
20

在外死節傳

此傳並見張本鄔本徐本靜
嘉本惟靜嘉本作死事傳

23
|
28

旅順死事傳

此傳並見張本鄔本靜嘉
本徐本惟徐本在弘光朝

29

當陽死事傳

此傳並
見張本

30

大寧死事傳

此傳並見張本
鄔本靜嘉本

卷二 崇禎朝

起八年正月十二日迄十四年二月

潁州死事傳

此傳並見張本
鄔本靜嘉本
本徐本惟徐本在隆武朝

鳳陽死事傳

此傳並見張本
鄔本靜嘉本
本徐本惟徐本在隆武朝

和州死事傳

此傳並見張本
鄔本靜嘉本
本徐本惟徐本在隆武朝

定興死事傳

此傳並見張本
鄔本靜嘉本
本徐本惟徐本在隆武朝

應城死事傳

此傳並見張本
鄔本靜嘉本

隨州死事傳

此傳並見張本
鄔本靜嘉本

寧羌死事傳

此傳並見張本
鄔本靜嘉本

濟南死事傳

此傳並見張本
鄔本靜嘉本
本徐本惟徐本在隆武朝

河南知縣死事傳

此傳原闕據史研本補又
靜嘉本作河南諸知縣死

事傳

永寧死事傳

此傳並見張本
本徐本惟徐本
本在弘光朝

57

錦州死事傳

此傳並見張本
本徐本惟徐本
本在弘光朝

58

仁壽死事傳

此傳並見張本
本徐本惟徐本
本在弘光朝

59

河南死節大臣傳

此傳並見張本
本徐本在弘光朝
無大臣

二
字

60
|
63

開縣綿州死事傳

此傳並見張本
本徐本惟徐本
本在隆武朝

64
|
67

汝州死事傳

此傳並見張本
本徐本惟徐本
本在隆武朝

68

襄陽死事傳

此傳並見張本
本徐本惟徐本
本在隆武朝

69
|
72

商城死事傳

此傳並見張本
本徐本惟徐本
本在隆武朝

73

卷三 崇禎朝

起十四年三月迄十六年九月

皇明四朝成仁錄

目錄

二 廣東叢書

沔陽死事傳此傳並見張本
鄔本靜嘉本

葉縣死事傳此傳並見張本
鄔本隆武朝
本徐本惟徐本在隆武朝

襄城死事傳此傳並見張本
鄔本靜嘉
本徐本惟徐本在弘光朝

南陽死事傳此傳並見張本
鄔本靜嘉
見張本

通許死事傳此傳並見張本
鄔本靜嘉
本徐本惟徐本在弘光朝

登封死事傳此傳並見張本
鄔本靜嘉
本徐本惟徐本在弘光朝

新鄭死事傳此傳並見張本
鄔本靜嘉
本徐本惟徐本在弘光朝

舒城死事傳此傳並見張本
鄔本靜嘉
本徐本惟徐本在隆武朝

臨洮死事傳此傳並見張本
鄔本靜嘉
見張本

歸德死事傳此傳並見張本
鄔本靜嘉
本徐本惟徐本在弘光朝

貴州死事傳此傳並見張本
鄔本靜嘉
惟鄔本靜嘉本在永曆朝

74

75
|
76

77
|
78

79
|
80

81

82

83
|
84

85

86

87

88
|
89

汝寧死事傳 此傳並見張本 鄒本靜嘉

河間死事傳 此傳並見張本 鄒本靜嘉 本徐本惟徐本在弘光朝

承天死事傳 此傳並見張本 鄒本靜嘉 本徐本惟徐本在弘光朝

萊陽死節傳 此傳並見張本 鄒本徐本靜嘉 本惟徐本在隆武朝 靜嘉本作

死事傳 98 | 101

武昌死難死事傳 此傳並見張本 鄒本靜嘉 本惟鄒本靜嘉本作死事

傳 102 | 105

長沙死事傳 此傳並見張本 鄒本靜嘉 本

永州死事傳 此傳並見張本 鄒本靜嘉 本 106 | 109

道州死事傳 此傳並見張本 鄒本靜嘉 本 惟 鄒本在弘光朝 靜嘉本在隆武

朝 111

永城死事傳

此傳並見張本鄔本靜嘉本徐本惟徐本在弘光朝

112

卷四

崇禎朝

起十六年十月七日迄十七年二月

渭南死事傳

此傳並見張本鄔本靜嘉本徐本惟鄔本靜嘉本在永曆朝徐

本在隆武朝

115

韶州死事傳

此傳並見張本鄔本靜嘉本惟鄔本在弘光朝靜嘉本在隆武朝

朝

116

秦宗人死節者傳

此傳並見張本鄔本靜嘉本惟靜嘉本無者字

117

118

寶雞死事傳

此傳並見張本鄔本靜嘉本

119

整屋死節傳

此傳並見張本

120

延綏鎮死事諸文武臣傳

此傳並見張本鄔本靜嘉本惟靜嘉

本作延綏死事傳

121

129

三原涇陽死節二臣傳此傳並見張本鄔本靜嘉本惟靜嘉本分

為三原死節傳及涇陽死節傳

慶陽死事傳此傳並見張本鄔本靜嘉本

西寧死事傳此傳並見張本鄔本徐本靜嘉本惟鄔本在隆武朝

太原死事諸臣傳此傳並見張本鄔本靜嘉本惟鄔本無諸臣二字

寧武死事武臣傳此傳並見張本鄔本靜嘉本惟鄔本無武臣二字

晉宗人死節者傳此傳並見張本鄔本靜嘉本惟鄔本無者字

卷五 崇禎朝 起十七年三月十一日迄十月

大同宣府死事二巡撫傳此傳並見張本鄔本靜嘉本惟靜嘉

本分為大同死事傳及宣府二巡撫死事傳

新城死事王與胤傳此傳原闕據史研本補

158 | 159

153 | 157

151 | 152

147 | 150

139 | 146

137 | 138

135 | 136

130 | 134

北都死難諸臣傳

此傳原闕據鄔本補徐本亦有之

160

|

171

保定死事二臣傳

此傳並見張本鄔本徐本靜嘉本惟靜嘉本無二臣

字二

172

|

174

山陰死節傳

此傳並見張本鄔本靜嘉本惟靜嘉本作死事傳

175

175

雞澤死事傳

此傳並見張本

176

|

177

鄆縣死事傳

此傳並見張本鄔本靜嘉本惟靜嘉本作鄆縣死事傳未見原

考文待

178

|

179

重慶死事傳

此傳並見張本鄔本靜嘉本

180

|

182

成都死事傳

此傳並見張本鄔本靜嘉本

183

|

184

沭陽死事傳

此傳並見張本鄔本靜嘉本徐本惟徐本在隆武朝

185

185

武城死事傳

此傳並見張本鄔本靜嘉本徐本惟徐本在隆武朝

186

186

嶧陽死事傳此傳並見張本鄔本靜嘉本徐本惟徐本在隆武朝

南皮死事傳此傳並見張本鄔本靜嘉本

汾陽死事傳此傳並見張本鄔本靜嘉本

南寧縣死事傳此傳並見張本鄔本靜嘉本惟鄔本靜嘉本在隆武朝

卷六 弘光朝起元年二月迄五月

歸德死節臣傳此傳並見張本鄔本靜嘉本惟鄔本靜嘉本在崇禎朝靜

嘉本無臣字

揚州死事傳此傳並見張本陳本靜嘉本

二鎮死事傳此傳並見張本陳本靜嘉本

南都死節諸臣傳此傳並見張本徐本陳本靜嘉本惟徐本靜嘉本死

節作殉難

212 | 217

204 | 211

193 | 203

191 | 192

190

189

188

187

廣德死事傳

此傳並見張本
陳本靜嘉本

218

|

219

嘗州死節臣傳

此傳並見張本陳本靜嘉本
惟陳本靜嘉本作嘗州死事

傳

220

|

221

江陰起義諸臣傳

此傳並見張本陳本靜嘉
本惟陳本靜嘉本作江陰

死事傳

222

|

223

吳江起義傳

此傳並見張本陳本靜嘉
本徐本惟徐本在永曆朝

224

|

228

嵩江起義傳

此傳並見張本陳本靜嘉本惟
靜嘉本作嵩江死事傳在弘光

朝

229

|

231

卷七

弘光朝

起元年六月迄盛國丁亥

杭州死節傳

此傳並見張本

232

|

233

臨安死事傳

此傳並見張本陳本靜嘉
本徐本惟徐本在永曆朝

234

|

234

使臣死事傳此傳並見張本

嘉興起義諸臣傳此傳並見張本

蘇州死事死節傳此傳並見張本

望江死事傳此傳並見張本

嘉定死義傳此傳並見張本

崑山死義傳此傳並見張本

萬安死事傳此傳並見張本

宣城起義傳此傳並見張本

江西二督撫死事傳此傳並見張本

後重慶死事傳此傳並見張本

耀州死義傳此傳並見張本

235
|
239

240
|
243

244
|
246

247
|
248

249
|
254

255
|
262

263

264

265
|
268

269
|
271

272

太湖死事傳此傳並見張本鄒本靜嘉本徐本惟徐本在永曆朝
卷八 隆武朝起元年秋迄永曆五年

撫州前後起義傳此傳並見張本鄒本徐本靜嘉本惟鄒本徐本靜嘉

本無前後二字
徐本在永曆朝

徽州起義傳此傳並見張本鄒本靜嘉本惟鄒本作死事諸臣傳靜嘉本作

死事傳

貴池死事傳此傳並見張本

德興海口死事傳此傳並見張本鄒本靜嘉本惟靜嘉本分為德興死

事傳及海口死事傳

廣東州縣起義傳此傳並見張本

新城死事傳此傳並見張本鄒本靜嘉本

273
|
274

275
|
276

277
|
280

281

282
|
283

284
|
295

296
|
297

紹興死事諸臣傳

此傳並見張本鄔本靜嘉本徐本惟鄔本靜嘉本徐

本均無諸臣二字
徐本在永曆朝

卷九

隆武朝

起魯監國迄永曆十一年

海寧起義傳

此傳並見張本徐本靜嘉本惟徐本在永曆朝靜嘉本在弘光

朝

寧波起義傳

此傳並見張本

金華死事傳

此傳並見張本徐本靜嘉本惟徐本在永曆朝靜嘉本在弘光

朝

衢州死事死節傳

此傳並見張本陳本徐本靜嘉本惟徐本在永曆朝

靜嘉本在

弘光朝

浦城死事傳

此傳並見張本鄔本靜嘉本惟徐本城作州在永曆朝

天興死節傳

此傳並見張本

318

|

319

泉州死節傳

此傳並見張本
本惟泉本徐本靜嘉本作死事

傳

寧德死事傳

此傳並見張本

321

贛州死事傳

此傳並見張本

322

|

333

興國死節傳

此傳並見張本

334

|

335

福州死事傳

此傳並見張本
本徐本靜嘉本

336

|

337

前廣州死難諸臣傳

此傳並見張本

338

|

346

督師死事傳

此傳並見張本
本分為前督師與後督師二傳

347

|

354

卷十 永曆朝

起元年迄二年

順德起義臣傳

此傳並見張本
本靜嘉本

355

|

362

東莞起義大臣傳此傳並見張本鄔本靜嘉本惟靜嘉本無大字

南海起義大臣傳此傳並見張本

定安死事傳此傳並見張本鄔本靜嘉本

封川死事傳此傳並見張本鄔本靜嘉本

武岡死事傳此傳並見張本鄔本靜嘉本惟靜嘉本傳作錄

永昌死事傳此傳並見張本鄔本靜嘉本

無錫死事傳此傳原關據史研本補

卷十一 永曆朝起三年春迄七年

反正諸勲死事傳此傳並見張本靜嘉本

後廣州死事諸臣傳此傳並見張本鄔本惟鄔本無諸臣二字

南寧死事諸臣傳此傳並見張本

363
|
373

374
|
381

382
|
385

386
|
386

387
|
388

389
|
390

391
|
393

394
|
398

399
|
401

402
|
403

死孫逆之難諸臣傳此傳並見張本靜嘉本

慶遠死事傳此傳並見張本靜嘉本
惟靜嘉本在崇禎朝

廣東死事四侯傳此傳並見張本靜嘉本

靖州死事傳此傳並見張本靜嘉本
惟靜嘉本與沅州合為一傳

沅州死事傳此傳並見張本靜嘉本

卷十二 永曆朝 起十二年迄十六年

廣東死事三將軍傳此傳並見張本靜嘉本

異姓親王死事傳此傳並見張本靜嘉本

後貴州死事傳此傳並見張本

生員死義傳此傳並見張本靜嘉本

雜流死義傳此傳並見張本

404
|
410

411

412
|
417

418

419

420
|
426

427
|
434

435
|
436

437
|
453

454
|
464

皇明四朝成仁錄卷一

屈大均原著

葉恭綽校訂

畿輔死事傳

此傳據
郎本補

畿輔死事曰王元雅曰朱國棟

棟明史本
傳作彥

曰趙率教曰

滿桂曰申甫曰鄭朝鉉曰孫祖壽曰劉之綸曰劉興祚

曰鄭國昌曰張鳳奇曰何天球

王元雅字口口

按綽所藏明朝進士
履歷冊作字浦鶴

太原衛人萬曆三十

二年進士崇禎二年朝廷清汰邊餉薊鎮王應豸突以清

餉五十萬上聞

鎮原作撫據
明史本傳改

三屯營諸卒脫巾下烽臺幾

亂上以檻車徵應豸廷推元雅代之元雅至軍中仍主清

汰往穆廟時大將軍戚繼光置薊鎮墩臺樓櫓哨探守禦諸法甚善至是盡變之敵遂以十月廿七日擁三十六家首入大安口守兵逃散將領多削髮降敵使偏師說潘家口馬蘭峪三屯營關四城皆下之三屯營鎮帥朱國棟死

之鎮帥明史本傳作總兵

本

先是督師袁崇煥有兩疏謂臣在寧遠敵

必不得越關而西薊門單弱宜宿重兵以防窺竊上下部科着議至是四王子可汗貝勒果自大安口入遼薄遵化山海總兵趙率教帥五千騎來援立兩營於遵化城南與二副將戰而死越二日遵化攻急奸人呼南門曰敵上北城矣大軍趨北城則敵遂登南城

則字疑誤

元雅自縊於敵樓

滿桂本夷種

明史本傳作蒙古人幼入中國家宣府

椎魯敢戰督師孫承宗

拔之使為中軍能守寧遠城捍敵者也天啟四年奉承宗

命與尤世祿襲大凌河尤原作侯據明史滿桂傳改斬獲數百遯去六

年二月經略高第奏報敵情詔擢袁崇煥僉都御史桂與

趙率教總兵已而命崇煥巡撫遼東崇煥疏請以桂駐寧

遠率教駐前屯迭為聲援崇煥尋與桂不協奏列兩鎮參

差狀上命調桂別用以左輔代自是桂與崇煥積不平互

相爭辨桂嘗首主棄寧遠城崇煥叱之至是請以桂鎮守

山海駐關門兼管四路七年二月錦州被攻二月明史熹宗本紀及明

史本傳作五月率教擊却之七月復攻寧遠七月明史熹宗本紀作五月崇煥

檄桂等大戰敵敗走射死王子二人崇禎二年冬敵薄薊

州時桂以大同總兵與昌平總兵尤世威宣府總兵侯世

祿各帥師次

此下疑有缺文

袁崇煥使世威還昌平以護陵寢使

世祿往三河以為薊門後應而以桂邊兵擁據京城

據字疑誤

崇煥故不說

此下疑有缺文

又援兵所過抄掠無紀律道路訛為

袁兵語聞上不問時遵化已陷將薄都城詔起孫承宗以原官改兼兵刑尚書駐通州控禦十一月望召見平臺奏曰臣聞督師袁崇煥帥所部駐薊州昌平總兵尤世威駐密雲大同總兵滿桂駐順義宣府總兵侯世祿駐三河三邊將守三要地勢若排牆地密而層層接應此為得策今聞世威還昌平世祿駐通州且聞各援兵俱還本鎮似未合機宜上曰世祿原在三河以城小移通州就食對曰聖諭誠然但事緩就食通州事急當仍守三河三河為東來

西南必經之路守三河則可以阻敵西奔兼可以遏敵南下西奔則擾都城南下則蹂畿輔故臣以為當守三河上是之崇煥以騎九千從間道馳至都下十一月十九日敵營廣渠門外崇煥督戰自辰至申轉戰十餘里斬首千人傷第六王子追至運河敵多溺死者敵移營南海子遊擊祖澤潤橫衝敵陣匝日始還敵鋒銳頓挫桂與麀戰土城間城守士卒突架巨礮擊打敵陣北其陣南依城者皆桂軍盡死桂獨與數騎先士卒得不死二十七日敵轉攻左安門崇煥揮兵奪攻具殲一頭目上特召崇煥慰勞有加賜玉帶綵幣六束鎮總兵祖大壽玉帶綵幣四餘大將各緋蟒一襲戶部給各軍芻粟崇煥初兼程赴援步兵在後

意步兵至始合戰時百官士庶在圍城內刻不自安亟思
一戰退敵而不知軍機方略咸謂督師怯懦甚者誣與敵
合而交諛滿帥十二月朔上再召崇煥問以殺毛文龍今
反逗留何也桂泣陳崇煥奸狀上怒下崇煥錦衣獄命太
監車天祚諭慰遼東將士命祖大壽盡忠撲勦以桂為武
經略總理援兵諸鎮聽節制出馬世龍於獄錫之金銳此
與祖大壽分理遼東兵明日大壽與中軍何可剛等明

史本傳

作綱帥所部萬五千人東瀆人言大壽且與敵合闞寧

十萬眾反戈內向禍在漏刻又言大壽據闞城則自此以
東數十城中斷將割以自王而師之潰也其勢如崩山決
河自通州南二十里趨張灣渡河孫承宗遣飛騎追三百

餘里弓矢反向僅及其尾大壽傳語曰事已至此當出口
策不口巢穴歸束身待罪耳承宗密奏曰大壽危疑既甚
又不肯受滿桂節制乘一軍驚駭有放礮洗營之說激而
東潰非諸將卒盡欲叛也當慰諭將領解散士卒大開生
路以收眾心遼將大半為馬世龍部曲臣已密調世龍亟
往撫諭苟見世龍必有解甲而歸者則大壽可無慮也承
宗懼大壽之或與敵合也大書榜示軍前東敵久薄近郊
急調祖大壽兵往搗其巢逼絕歸路用以疑敵又密劄諭
大壽急上疏自列列字疑誤束身殺賊以報浩蕩之恩以贖督
師之罪大壽得帖子大哭諸將亦大哭乃具如承宗指還
指字疑誤則前軍已過永平矣上遂命承宗移鎮關門馬世龍

既追及大壽於歡喜嶺單騎入其營宣上詔諭撫諸將諸將皆羅拜乃受詔斂兵以待承宗急遣世龍報命發步騎一萬五千令督以入援世龍兵抵通州敵始拔壩上營歸於遵化而京師戒嚴上憂甚令宗煥手書慰東鎮將士滿桂戰歿遂命世龍總理關寧兵馬督各路援兵節制諸大將以其有成勞於東也先是大壽東潰敵退營一舍出騎追之已又發白鷄子軍掠畿南諸州縣踰日京營副將申甫歿於盧溝橋南桂與孫祖壽麻登雲黑雲龍三帥方軍於柳巷敵至悉開營出戰頗用礮擊死敵千餘察之皆我降兵薙髮者桂戰永定門鄒崇永原作安據明史本傳改殺其大王子馬世龍亦殺一牛象敵鋒少挫偽退十里我兵追之又偽退

十里至夜潛進兵劫孫祖壽營桂等始覺猝赴敵敵已深入火攻營兵大亂桂與祖壽皆戰死麻黑不知所往時十七日也錢謙益曰大壽旣旋師越數日援兵大集兵部尚書申用懋分撥信隸各大帥分兵為六營以南面外羅城永定左安右安三門為中營

駟案定原作安據明史地理志改

滿桂主之

隸以宣大兵萬餘廣寧東便兩門為左翼祖大壽主之隸以遼兵九千廣渠西便兩門為右翼馬世龍主之隸以營兵八千東則朝陽東直兩門為東營黑雲龍主之隸以關寧兵二千西則阜成西直兩門為西營

駟案成原作城據明史地理志

改

孫祖壽主之隸以密雲兵二千聯絡佈置壁壘一新自

是京師可固守矣滿桂者嘆惜宿將受命總理急欲一創

強敵不奉師期故與敵戰歿而敵亦自是拔營而去云

申甫雲南人任俠有口辯天啟初甫為浮屠往來河南山東間無所得入嵩山過一道人授以一卷書皆古兵法且言車戰甚具甫習之踰年出遊京師數以其術干諸侯王罕見聽信獨庶吉士劉之綸全聲知之崇禎二年十一月敵薄京師之綸聲遂言甫於朝上召至便殿奏對稱旨賜甫都司官不拜明日授甫京營副將聲以監察御史監甫軍兼押督糧運之綸夙善兵家言見上用甫亦陳兵事召對稱旨上擢之綸兵部右侍郎協理京營戎政

駢案戎政原作諸務

據明史職官志改

甫既受命上勞以溫旨甫感泣叩首殿墀下呼

曰臣不才願以死自効於是大召募兵越三日得八千人

倉卒間不能訓練而甫所授術又長於用車猝不能辦擇日部署其眾未暇戰也當是時權貴人俱不習兵與之綸

聲數相左又妬甫以白衣超用謀先委之嘗敵日夜下兵

符促甫戰會滿桂敗歿於永定門外永原作安據明史本傳及京師震

恐甫不得已夜引其眾縋城出未至盧溝橋敵以五十騎

來攻遂驚潰馳射之八千人立盡僅存隨聲押運者七百

人甫乃親搏戰中飛矢數十以死鄒案上文滿桂傳及明

死先於滿桂與此傳及明季北略卷五汪堯峯文鈔申甫傳所載不同於是權貴人爭咎甫

謂其費金錢巨萬師徒撓敗且閔然詈之綸妄舉聲亦上

疏自劾上以甫本念亦忠仍宜從卹於聲並不責也甫監

軍鄭朝鉉者字聲遠浙江山陰人以監生被薦授監軍御

史戰敗被脅降不屈死之

劉之綸字與鷗

明史本傳及明季北略卷五作字元誠

蜀人崇禎某年進士

某明史本傳及明季北略卷五作元

當申甫戰歿敵亦退兵之綸請率兵追

襲沿途遇零騎頗有新獲與總兵馬世龍連軍薊東等度
前進敵以婦女為間紹之曰遵化城空可襲因進兵至娘
娘山陷伏中敵急擊之之綸督將士死戰踰一晝夜諸路
援兵不至全軍皆歿世龍僅以身免之綸臨死急解所配
印

所原作

取據明季北略卷五改

遣親信馳新遵撫方大任軍薊因有備

然敵亦以次歸矣

劉興祚遼人兒時為敵所掠老汗愛之及長性機警知兵
益見親幸使為都督守金復二州呼曰愛塔愛塔者愛他

之謂也又以乳媪女格格妻之呼愛塔兒夫又曰額夫畜
之如諸壻興祚本遼人見遼人輒左右之老汗有犯法者
嘗曲為保全擇其牙而角者結以思誼於是多為心膂以
左右興祚興祚日夜思歸督師孫承宗知之遣壯士孫盤
間行解腰帶以招之興祚感激與所善誓死歸欵於是四
衛之人皆思內附初毛文龍在皮島嘗密與興祚通凡華
人俘者興祚皆私縱之俾歸文龍文龍悉行厚給自是亡
歸者益眾而興祚與所親善者又時使文龍以計誘之去
豐其衣食令善更相招致數年間以此陰傾敵文龍所以
日盛者有興祚為之應也其後事漸露興祚患之其婦曰
君本南產母以妾故為君累盡亡而南乎興祚曰如若何

婦曰取小卒醉之令衣君衣佯失火焚焉以為君死則不
我求矣興祚如計投淚別並呼所善與之歸初依文龍於
東江文龍死依袁崇煥悒悒不得志乃率降者親兵二百
遼騎六百至紅花店拜孫承宗於馬前承宗下車慰諭置
之帳下興祚涕泣曰良馬貴善騎壯士貴善羈興祚當為
公死於是承宗為改名興祚薦於朝以為邊將使駐山海
關外所統數千皆降人稱為勁兵興祚故知敵中曲折慨
然有擣穴之志時時談及其婦情輒哽咽不勝其婦格格
老汗乳媪之女也崇禎二年十月敵入大安口遂薄京師
既退至永平興祚俟之於青山營帽兒頭使諸將為三覆
而自選夷漢兵丁八百騎

烈皇小識卷二作
勁卒千二百人

夜出斫敵營

興祚為敵旗幟諳其軍號敵莫能誰何盡破其一營斬首

六百餘

烈皇小識卷二作殺敵兵千八百人

得婦女輜重無算明日興祚輕

兵出兩灰口遇突騎數千血戰至晡中流矢而死先是歲

逼除敵警益急承宗遣興祚暫護永平永平道鄭國昌者

疑之曰此單于貴人也不可信託言糧少移之建昌興祚

與敵遇於兩灰口遂以死明年正月二日敵入永平故開

原兵備副使白養粹素嫻敵至是率百姓鼓吹導入城既

以女妻之永平既陷國昌乃悔興祚

悔字下當有缺文

亦死之全

家殉焉知府張鳳奇冠帶坐堂上飲藥以死妻妹弟婦自

縊者十餘人國昌邠州人萬曆中進士

明史國昌傳作萬曆三十五年進士

鳳奇陽曲人萬曆丙午舉人事聞贈國昌太常寺卿鳳奇

太僕少卿

明史國昌傳作光祿卿

廢弟鳳梧入監讀書而命祭興祚

立祠於邊周文郁

此下當有缺文

興祚初見孫督師於關誓以死

報國永平之戰

永原作太據上文改

以八百騎敗敵萬騎血戰死絕

為東人忠勇第一

何天球字憲周增城人萬曆丙辰進士推官永平司餉駐

劄遵化署遵化事以清慎自持所得兩俸悉以鑄造軍器

演紅毛放礮之法朝夕訓練經略督撫交章薦之賜敕嘉

獎先時有永平道耿如杞者

明史耿如杞傳作遵化兵備副使

不拜瑞祠

被逮僚屬無敢送者天球獨謁候之且力衛其妻子如杞

致書有正氣赤心不圖今日獨見於公之語秩滿陞知乾

州撫按會疏題留稱東事倥傯渝關鎖鑰非公不可旨猶

未下崇禎二年十一月敵入大安口邊帥失律喪師警報
有以陞官可勿駐危城為勸者天球叱之越日遵化被圍
天球灑血誓眾分守南門指揮拒禦六晝夜不解甲胄援
絕矢盡北門先陷天球躍馬巷戰親斫三人遂死之僮僕
八人同日死樞輔孫承宗兵部尚書梁廷棟以聞詔贈光
祿寺少卿賜葬祭給造墳銀三百兩廕子一人入監讀書
子鼎鉉匍匐萬里往求遺骨敵重天球忠烈先葬於大悲
閣前鼎鉉日夜哀哭遂得疾卒於途中

屈大均曰天啟三年陞申用懋南京太常寺卿是時遼左
淪喪畿輔震驚用懋上言建四輔以鞏神京京東南建城
於通州高朱店之間為左輔西南建城於良鄉盧溝橋之

間為右輔西北建城於鞏華城功德寺之間為右輔東北
建城於密雲順義之間為左輔各宿重兵統以元戎監以
知兵使者敵從東北入左輔出兵以扼其衝而右輔從左
左輔從右各分兵夾擊如假道三衛右輔出兵以扼其後
而左輔從左右輔從右各分兵追襲如直薄都城下則京
營堅壘合守無輕出擊四輔各設長圍以坐困之又輔三
面外羅城設民堡練鄉兵令郡邑正官參用武備疏上不
報嗟夫此策若行豈有己巳之役也哉

各州縣死事傳

此傳據史
研本補

遵義死事王佐聖

王佐聖字克重長洲人知遵義甫及一月單車周覽山川形勢建立新城以扼諸蠻之吭未幾叛夷數萬大舉攻城佐聖內嚴守禦外命鄉兵分截歸路援兵不至城陷拔劍擊賊力屈被殺

永平死事羅成功

羅成功字惟一高要人萬曆舉人推官永平綜覈廉平民無冤抑秩滿遷興化同知督撫晉之崇禎二年滿兵陷城冠帶縊於署中贈光祿寺丞

睢州死事李夢辰

李夢辰

明史本傳云字元居

睢州人以通政司家居流賊破城自縊

死賊曰此有道仁人也羅拜而去

重慶死事章文炳

章文炳知重慶府多惠政奢賊破城身親巷戰臨死百姓以身翼之者數圍其首嘆曰悔殺好官云

師宗死事徐道興

徐道興睢州人崇禎間

明史本傳問作末

為雲南都司經歷署師

宗州事廉潔有聲聞流賊將至憤然曰吾死分也士民何辜而罹此禍乎命百姓各挈家遠避士民泣請同行道興曰封疆之臣死封疆吾志決矣左右止二僕以白金二錠付之曰此朝廷俸也以一酬汝以一置棺殮我未幾寇至

城陷促道興出迎其帥道興以手中杯擊賊明史本傳作酒杯大

罵遂遇害

雲南死事朱壽琳琳明史本傳作琳

朱壽琳衮州人明史本傳云家兗州崇禎末以部院徵兵雲南孫可

望突至壽琳被執不屈械繫二十餘日強以官復大罵不

食題詩於壁與僕三人同被害

唐世熊灌陽人有文行尚氣節絲舉人教諭陞翰林院待

詔歷官武庫郎中為永平知府竭力撫綏會太監高起潛

督邊聲勢赫奕監司以下莫不膝行世熊獨長揖不屈大

拂其意議功應從優僅移山東鹽運司司明史本傳作使崇禎十

二年流寇破城明史本傳流寇作清兵力戰而死

武宣死事朱士鯤

朱士鯤別號南池以貢知武宣縣歷官至吏科給事中子亮知北流縣壬辰敵至父子合門三十口同殉於北流之黎村閱數年次子溶徒步七千里覓埋骨所不得慟哭而歸陳惟崧有挽驥沙朱南池先生詞

盱眙死事蔣佳徵

蔣佳徵天啓甲子舉人知盱眙縣向無城垣流寇大至佳徵率家人設伏殺賊賊怒合眾攻之佳徵巷戰而死全家被害

龍門死節廖翰標

廖翰標龍門人勤學好問舉於鄉知江西新城縣廉介自

守變亂後解組以歸滿兵至嶺正衣冠自盡而死

平樂死事朱旻如

朱旻如繇武科起家累功鎮西將軍崇禎間鎮守平樂孤城堅壁城陷引刀自刎家口多殉之者

霍山死事龔元祥韓光祖

龔元祥字子貞

貞明史本傳作禎

長洲人為霍山教諭賊至知縣

解綬去元祥獨率居民同守或勸之去元祥曰職無大小

皆宜效

此下疑有缺文

食祿避難臨危棄城平日所讀何書乎城

陷正冠危坐罵以死子炳衡

衡原作衡據明史本傳改

與訓導姚允恭

皆同死難

韓光祖霍山諸生流賊犯城光祖率眾守禦被執賊脅之

抗言曰讀書祇知節義遇賊誓不偷生賊怒殺之閨門同
殉

靈壁死事蔣賢

蔣賢崇禎末為靈壁主簿流賊犯境知縣託故他避賢獨
率民兵禦之被執不屈死事聞賜贈廕

興文死事張振德劉希文

張振德知敘州興文縣時夷蠻變叛猝臨城無兵可守乃
率男女及家人登陴手發大礮見賊勢鋒擁知不可支左
手持印右執匕首令夫人以下皆持利刃環坐又命積薪
坐側城陷慷慨曰吾可以受命矣令家人舉火同妻錢氏
暨二女悉自焚火中計男女同焚死者九人焉

劉希文教諭興文賊至誓死不去與妻白氏同罵賊死

靈丘死事蔣秉彩

蔣秉彩全州人天啟甲子舉人知縣靈丘廉而惠流寇大

至秉彩

此下原缺按明史本傳按云募兵堅守力屈眾潰投繯死合門殉之

柳州死事蔣秉芳

蔣秉芳全州人博學能文崇禎末流寇猖獗獻策言却敵制勝之方不報授柳州訓導賊至死之

柏鄉死事郝奇遇

郝奇遇柏鄉人絕意仕進優游畝畝崇禎十七年三月聞京城陷慷慨語妻曰我欲死義爾能從乎妻曰君欲死義則妾請先之遂飲藥死次日瘞之於先塋招親舊與訣眾

曰子草莽士也何好名若此奇過曰是何言士固有志豈以死要名乎亦飲藥而死

固原死事陸夢龍

陸夢龍字君啟紹興山陰人萬曆進士主事刑部時淮撫李三才之僕盜皇木反卸罪七商夢龍力爭於部堂竟成其僕出為九江道僉事貴州蠻叛總督蔡復一知其才調往監軍黔兵多虛冒請斬武弁高拱北軍威肅然蠻犯普定夢龍出其不意乘大霧破走之再任充東道明史本傳作以故官分巡東充道有弭盜功調固原兵備流寇至犯固原秦州等處屢擊賊敗之及隆德陷親行禦敵偵者妄言賊不滿千猝遇數萬於老虎溝重圍突擊將士皆痛哭夢龍曰今戰亦

死不戰亦死盡殺賊而死乎

此下原缺按明史本傳言戰死事聞贈太僕卿

江油死事章贊元

章贊元字素完會稽人繇吏員授四川江油典史縣無城郭流寇至知縣避入山中家僮皆趣之走贊元拔刀曰我食君祿守此土豈偷生耶比賊嚮導至卽縣民也素知贊元廉正不忍害勸之他適不從俄而賊大至脅降不屈遂躍水而死民立廟祀之

衡州死事張任張明翼

張任字碧岑萬曆四十六年舉人知原武縣口口改臨潁又改大興治行精明奸宄斂跡一時良吏稱最擢工部主事歷郎中出為衡州知府未幾賊至任率眾血戰舟中力

屈死之舉家殉焉

張明翼

明史本傳明作鵬西充人

知衡州府

明史本傳作衡陽知縣

崇禎十六年

五月衡州陷

明史本傳作八月

明翼罵賊不屈賊縛之投於江中

羅田死事梁志仁

梁志仁字霏玉江寧人萬曆戊午舉人初知衡陽縣主易徵便民之法完課獨先錢糧口口自解不用庫吏而庫銀無侵驛馬買官養不設馬戶而民間無累調羅田縣練兵築城為守禦計會賊破英山志仁出禦而死妻唐氏殉之贈蘄州知州

崇寧死事劉旋

劉旋字遞生江寧人以恩貢知縣崇寧賊張獻忠陷城旋

危坐堂上罵賊被剜目剔腎以死事聞贈尚寶
此下原缺

諸武臣死事傳

諸武臣死事曰童仲揆曰陳拱曰錢達曰姚九疇曰潘可大曰費邑宰曰葛勇曰吳國偉曰黃國武曰葛衛國曰張承胤曰張應昌曰張德昌曰張全昌

童仲揆字玄圃孝陵衛籍萬曆二十六年武進士為四川

都督督明史本傳作司遼東經略熊廷弼知其勇疏調軍前屢立

戰功天啟元年三月敵兵攻瀋陽與石柱土官秦邦屏明史

童仲揆傳作石柱都司率師渡河擊之眾寡不敵仲揆短兵接戰中

弩死贈都督蔭子以孝陵衛正千戶歷官陽電參將死於

陣

陳拱廣東南頭參將崇禎二年白艚賊李魁奇入寇拱禦

之佛堂門外擒七艘截之賊遯明年三月陞副總兵奉檄
統烏艚及寨船百艘追賊於電白海港水淺舟膠挾脅躍
過賊舟死之

錢達崇明人崇禎元年武進士五年任廣東東山參將六
月內督兵堵勦羅定流賊戰歿

姚九疇字唐先南直人為浦口守禦崇禎八年冬賊陷和
州圍浦江九疇偕遊擊汪之斌往援用火攻五戰皆捷城
賴以完之斌搜山中伏九疇率兵救之賊大至援絕矢窮
被執脅降不屈罵而死兵部尚書范景文為卹其家

潘可大字觀甫江寧人崇禎八年任安慶守備署游擊事
十年春寇入桐潯可大從巡道史可法四出堵禦不解甲

者數月加參將從總兵陳龍進勦遇賊於鄞家店可大以三千餘人當賊數萬因守月餘將敗乃取關防印襟袂數十處死之龍亦自焚守備陳于玉亦戰死可法招魂而哭立祠祀之事聞贈可大指揮使廕其子

費邑宰西安前衛人歷官河州參將鎮守商濮崇禎十年移備寧羌州鐵鎖關會勦賊兵入險地獨身為殿遂殞贈都督同知廕二子

葛勇甘肅坐營都司崇禎十年巡撫孫傳庭與總督洪承疇勦賊承疇使副將戚略及勇領甘州兵二千隸傳庭令略勇擊賊於寶雞斬首八十餘再戰斬首二百賊遯入口顧以其時出棧之賊又有猛虎中斗星等渡渭窺我虛實

勇擒賊撥一人曰來山虎山虎備言賊可取狀傳庭疾進
兵大敗之賊走保山承疇提古曹二師疾至夜劫賊於寶
雞南山斬首數千賊盡走勇後至率數千人徒步搜山遇
伏戰死是年七月賊掠延安秦將戰死者吳國偉明年十
月黃龍山之戰游擊李國政率兵殺入賊中賊射國政馬
死把總黃國武遂以己馬與國政而脫盔甲步戰射死數
十賊力竭死之千總葛衛國亦死

張承胤字望峰榆林人父臣歷任寧夏甘肅固原總兵所
至有功承胤以父廕積官榆林總兵遷遼東以死勤事予
祭葬子應昌德昌全昌世比之三神應昌字順之初為延
綏副將崇禎四年五月五月明史本傳作春賊神一元陷保安應昌

擊敗之復圍慶陽遣兵往援乃解去降賊不沾泥擁眾要脅糧賞攻米脂洪承疇與應昌討之

明史本傳作應昌賊皆王承恩擊走之賊

遯迨至四川斬三百餘級溺死甚眾六月郿州賊混天猴

張孟金謀襲靖邊應昌敗之於真水川斬四百餘級初神

一元起寧塞竊據其城遂陷柳樹澗保安縣未幾一元死

弟一魁以其眾降尋叛去其黨黃有才斬之來歸既而有

才復叛應昌擊斬之陞寧武總兵加都督同知六年二月

移屯汾州往來太原以禦賊七月次汾陽敗賊於平山獲

渠張有義卽一盞燈也七年四月川賊三萬分三道一趨

湖南一趨浙川一趨商雒盧氏應昌與戰於均州敗績死

之德昌字開之任南京池浦總兵調勦流賊與周王困守

開封賊決黃河城陷死之全昌字潤之以承胤廢官至靈
州參將崇禎四年延安趙四兒以萬餘眾掠韓城郟陽全
昌以五百人鏖戰三日斬三百餘級賊走郟州進擊之斬
六百餘級四兒尋降陞宣府總兵七年二月河南賊自鄭
陽渡河入郟陷房縣全昌連擊敗之七月奉督師洪承疇
調間道走渭華過賊前鋒八年五月全昌自咸陽出興平
之東距賊五十里賊渡河走郿追至秦王嶺擊敗之自是
商雒之賊逃竄終南山中餘賊西奔興平飢疲遂乞降陰
遣諸將連營走潼關守將文萬年等兵潰全昌死之父子
四人俱以戰死誠忠烈一家云

按明史張臣傳所
載與此傳頗異

大凌河城死事傳

大凌河城死事曰何可剛

剛明史本
傳作綱

何可剛崇禎二年為督師袁崇煥中軍副將十一月敵薄

都城崇煥既入援不戰上逮崇煥下詔獄

上原作立
據鄒本改

東鎮

總兵官祖大壽與可剛等率所部萬五千人東潰督師孫

承宗招之使還四年八月大凌河城被圍大凌河去錦州

四十里宣宗時於河側增置中左千戶所與錦州為犄角

錦州者以城西有錦川水故名是時大壽與可剛等率山

海關外八城兵修築大凌河城晝夜督工甚力敵舉兵來

攻兵分兩翼圍之數重射書城中招大壽降大壽不從益

力戰敵佯為錦州援軍距大凌河城十里各執旗幟向錦

州馳逐揚塵大壽果信為援軍至率兵出迎為伏兵所掩擊踉蹌入城閉門不敢復出越數日朝廷遣太僕卿監軍道張春總兵吳襄宋偉等統馬步兵四萬來援渡小凌河卽掘濠列車盾槍礮軍容甚盛明日敵以兩翼騎兵直衝我營我不為動兩軍接戰礮若轟雷發矢如雨敵右翼兵突馳春營我兵稍挫吳襄及其副將桑阿爾賽等先奔餘仍堅壁以待敵左翼兵避我礮矢不從汎地衝擊亦踵右翼兵進遂破我營截殺四十里方兩軍鏖戰時敵遣人於我營東發大礮火箭突有黑雲起且大風向敵軍我乘風縱火勢甚熾及旣逼敵陣天忽雨反風我軍倉皇失措被焚死甚眾敵兵復扼我歸路盡為所殲陣獲張春及副將

張弘謨楊華徵薛大湖等惟春不屈但求速死敵義之冬
十月令陣獲各官以己意為書招大壽會大凌河城內糧
絕薪盡軍士皆殺修城役夫及商民為食析骸而炊又執
軍士之羸弱者殺而食之援兵不至大壽方議降獨可剛
不從大壽令二人掖出城外就敵諸將前斬之可剛顏色
不變含笑就刃城內飢人爭啖其肉

烈皇小識卷三作先
一日凌城食盡虜兵

招降甚急何可綱
為文自祭而死

大壽遂降

明史莊烈帝本紀作十月己
巳大壽自大凌脫歸入錦州

...

...

...

...

...

...

...

...

...

...

...

登萊死事傳

登萊死事曰張瑤曰樂巨金曰謝璉曰朱萬年曰張可
六

張瑤字海湄一字天游登州人天啓二年進士以推官家
居

明史本傳作
河州判官

崇禎五年二月遼卒叛率其鄉人固守城

陷賊擁至瑤仗劍當門罵曰賊奴賊奴國家何負於汝登
州何負於汝而反耶語未終被害先是瑤自分不欲生命
妻齊氏及兩女先投井

明史本傳作
妻女四人

兩婢不俟命亦從之
死

樂巨金號涇陽登州人初遼兵謀叛夕有三百人相聚廟
中邏者以報巨金苦徒卒少乃分三十人唱籌各行一卷

期聚於廟外乃顛倒稱名數之若干餘人入執其渠彼不測眾少不敢出聲人服其因時用寡之妙嘗謂人曰巨金世官也登州揭將及矣言而驗則且必死又曰凡世官皆宜必死豈獨一巨金哉登州陷果與母及妻子皆死之而登州世官自萬戶以下千百夫長人以百計亦無一從叛賊者

謝璉荊州人守萊城半載誤信撫局為賊所執死登州有徐得時翟昇者監視呂太監之中軍也同守萊州備極勞瘁撫局敗被執亦死於登州有徐從治者海鹽人以監軍至萊州擢巡撫守萊半載為飛礮所中以死從治寬仁長者善得士民心死之日三軍皆流涕

朱萬年者貴州人遼卒初叛時首倡効死竭力軍需供億被執罵賊死於萊州城下而指揮使李孟杲百戶白仲仁者與賊戰屢有斬獲為礮矢所傷以死有布衣王琮者居萊州城北之東流村賊至不避被執不屈而死而毛膺者武舉人也為人短小精悍從彭參將守東城不辭艱苦解圍後防賊廟島以大風覆舟為賊所害

張可大字觀甫一字扶輿南京衛籍父如蘭以世胄中武舉第一人官至淮徐漕運參將可大幼警敏善騎射舉萬曆辛丑武進士屢官右都督鎮山東勤王解都城之圍領專勅平島帥劉興治之亂又建功於鐵山內陞左軍都督府已得代聞兵變還登州為戰守計值防撫孫元化誤信

賊間奸人內應而登陷可大衣冠登城樓北向拜手及愛
妾題壁曰某年月日山東總兵張可大盡節於此遂投繯
事聞贈太子少傅予祭葬特賜祠額曰旌忠諡壯節可大
孝友博學所至敬禮賢士大夫所與贈答皆海內通人勝
流或謂其將而能吏勇有其廉云

屈大均曰是時流賊旣蔓延秦晉間屬登萊兵變因調關
寧兵馬二萬討平之朝議欲乘戰勝精甲渡河進勦兵部
尚書張鳳翼家本山西慮其驅賊入晉也阻之盡放遼兵
出關賊遂得渡河而南因入豫入楚入安廬

在外死節傳

在外死節曰俞志虞曰梁亭表

亭徐本作廷

曰楊國柱曰高

從龍曰吳國偉曰劉堯曰曾紹宗

曾鄒本作魯

曰包文達曰

俞冲霄曰張開祚等曰王榮曰熊維藩曰郭天吉

天吉徐本

作天志明季北略卷十九作大吉明史林日瑞傳同此

曰陳增美

俞志虞字際莘紹興新昌人崇禎間進士授順慶府推官

刑獄一清時流寇入蜀取道順慶士民議欲出戰志虞曰

不可寇之深入必因大兵追感若以鄉勇出鬪是棄民也

惟登陴堅守以待追兵為萬全未幾督師至喜其鎮靜特

為題敘

為徐本作以

行取入京上親策寇盜等事條對甚悉授

貴州道御史奉命巡關甫入境闖賊即逼其境吏請他巡

以避志虞曰我當以王事死豈借王事求生乎旋聞京師陷卽投繯幼子抱而解之叱曰忠孝一致我不忠卽汝不

孝幼子曰惟欲我父知皇上存亡耳及得報還至東門鄒

浙江通志作東華門大哭潛縊於驛館思宗朝贈太僕少卿

梁亭表字無畸番禺人舉於鄉絲大埔教諭陞助教遷吏

部主事廉靜自持尚書知其清苦問曰何久無所舉耶對

曰實寡交轉兵部武庫司員外庫解本時上方英察言事

者每獲罪譴亭表數上章奏蒙嘉納出知南安時流賊張

獻忠突犯湖廣時字原缺據徐本補南安以西為賊所據亭表與眾

死守賊退以功聞巡按薦治行第一擢荆南兵備副使北

都陷痛哭而死

楊國柱字叔堅涇陽人繇萬曆四十一年進士初知秦興入為戶部郎出備兵河東皆有政績崇禎十六年冬賊李自成陷據西安其黨多援引才望自成令召涇陽王徵徵絕粒死國柱聞之亦絕粒七日不死復食未幾京師陷為大行皇帝后位哭奠盡哀復絕粒七日家人強之乃遜入空同山中牧羊竟以死

高從龍榆林人崇禎初以固原參將調征流賊從龍大誓於眾曰將乃死官也故古者鑿凶門以出我今其仗節之時乎行至三水遇賊力戰而死二年閏四月事陝撫劉廣生厚賻之弟起龍力辭不受請給同陣士卒三軍皆哭廣生與總督楊鶴疏聞贈特進榮祿大夫諡曰忠勇

曰字原缺據徐

補本

吳國偉榆林人崇禎初以副將討賊每戰陷堅多所斬獲
尋力戰而死

劉堯字賡唐崇禎四年寇犯濯田堯以千總奉令堵擊

擊徐

本作戰敗被執賊喜其驍壯欲釋用之堯奮罵賊以兩筋

繫其鼻而死弟師垣輕身赴難亦死子某以廢得襲錦衣

衛千戶弔者曰戰聲寒鼓不起兄啖睛弟抉眦如桃李爭

代死逢地下當笑語父韋衣子錦衣抽弓矢宜念之

宜原作步

據徐本改

曾紹宗平遠人為縣吏崇禎初知縣金一鰲遣禦賊於壩

鴈鵠籠斬級數千一鰲上其功授把總銜又斬賊首黎二

總等授右鎮營奉勦壩頭梅子畚諸處斬級二百餘生擒

賊徐如器等

如徐本
作汝

又密擒叛撫賊蘇峻等又生擒蘇光

明龔惟業等九蓮山賊犯境

蓮徐本
作連

紹宗斬滅渠謝九功

又生擒謝一善等八十餘賊三年流賊莫曰舜等劫長樂

界又賊劉喇梁千斤寇大埔連山等處紹宗先登擒獲最

多又進勦黎樹坪二處擒賊徐所二等凡數千身歷行間

所至有功邑人賴之五年流寇又至紹宗易之卽單騎入

賊中迨潰圍出墮馬馬逸

馬逸原作而
逸據鄒本改

步戰死之當時立

祠以祀焉

包文達字行甫先江夏人以死事世襲蘇州衛指揮同知

因家蘇州崇禎十年文達奉巡撫檄偕統兵官四人進援

安慶

鄔案常熟縣志錢牧齋文鈔石義士哀辭均作桐城

兵械鈍敝人無鬪志文達

知戰必敗欲持重以待疲而軍中為間諜所誘

中徐本作人又諜字

原缺據

鄔本補謂賊已四出速進可收其貨寶婦女他將咸笑文

達為怯以逗撓責之文達不得已進戰伏兵發官軍鳥獸

散或勸文達脫身遁文達按劍叱之矢盡援絕遂力戰以

死黃淳耀曰文達之死非死於賊也死於他將之牽制也

夫文達未戰而先知欺徵可謂知兵矣使專制而往

徐本作使

其事制而往來未必不能滅賊也野史稱文達脇中流矢揮刀陷

陣賊逼令卸甲降文達怒罵賊斫其左臂斷頭而死

俞冲霄靖邊人任延綏總兵崇禎九年五月賊李自成張

天琳至榆林

琳徐本作林

冲霄率兵五千禦之於西川土壑砦

力戰自辰至酉殺獲甚眾援兵不至死之

張開祚陳邦基王龍鄒維勳四人者皆兩廣總制熊文燦部將也崇禎十一年三月楚寇劉新宇等率黨數千從九峯入攻圍樂昌旬餘文燦遣游擊張開祚等援詔要賊於蕭村斬數百級追之中伏開祚與邦基龍維勳並死之文燦為文祭之先是崇禎三年九蓮山寇鍾靈秀陳萬攻陷始興樂昌千戶梁美翰戰死其後崇禎十三年賊犯海陽千戶吳璋戰死十七年十月閩賊林尾犯程鄉韋處溝鄉總許元會戰死

王榮字吉甫榆林人以戰功官游擊崇禎十七年

鄒崇七河南通

志作

六 為彰德衛藩城守參將賊至官民奔散榮護趙王歸

朝中途遇賊力戰被執賊愛其驍勇使偽制將軍陳永福勸之降不屈與子師易俱死

熊維藩字振宇威安人以宣府參將致仕賊高一功攻堡

維藩力戰殺傷甚眾堡陷自刎賊碎其屍焉賊字原缺

郭天吉榆林人以武進士至甘肅副將列皇小識卷八作總兵賊攻

甘涼城陷巷戰被執不屈賊磔之

陳增美字子禮應天人繇武舉官口營旗鼓中軍徐本作

甲以倡義謀洩被執臨死挺立罵敵以刀裂其頤血流

至踵色不變而死

屈大均曰孫承宗曰年來兵多不練餉多不覈以將用兵

而以文官招練以將臨戰而以文官指發以武畧備邊原

作為據明史

孫承宗傳改而日增置文官於幕

置字原缺又幕原作募據明史承宗傳補改

以邊任經撫而日問戰守於朝其一種因循誕謾之象

作習據徐本改

徒相與咨嗟而不能反故以一隅勤天下遂至歛

天下之兵於邊而既壞一隅兼壞天下又曰臣以為武吏

不拘曾口戰陣曾為大將亦不拘文武兵部調諸將有才

望者徧覈之擇一沉雄有氣略者授之節鉞

鉞原作鐵據明史承宗傳

改俾開府專辟置偏裨而下得自擇其人而授之

據駢本刪

或朝有推授仍聽其自擇意氣相合者即以其人若

所辟置之人分募精兵多不過十萬若調募來者仍令自

為簡汰而用之如所自募縱其撫賞之費

其徐本作無

而任屬

專聽信明文吏得與謀議供軍實不得制其帥蓋兵之道

精不可以事窺粗不可以理解而文吏泥拘

泥徐本
作拘

好用

小兒解沾沾將吏之上能令將吏羈馱而不得展以文統

武自是做法以極不知武之文統極怕文之武更屬極蔽

之法臣謂今天下當重武吏之權而去文吏之擾但得無

多設文官則武吏不輕如向者劉統杜松近者羅一柱之

勇烈

柱徐本
作柱

假以專制之權何至於敗惜也大將既得其

人便當以遼事付之小勝小衄皆弗問要於守關無闌入

俟兵力之厚為恢復城堡有所復即以昇之其人略法黔

事

事字原缺
據徐本補

使其人之精力全用於遼得寸則寸得尺則

尺以幹家之智幹國必無遺力而朝廷特資兵饟

徐本特
上有得

字明賞罰以防跋扈之漸如周宗之初可法也國家營兵

十萬日添文添武以為兵害而不少添其餉營兵上等之
餉不當募兵下等之餉何能為練耶

耶字原缺據徐本補此下疑有缺漏

<p>上 下</p>	<p></p>	<p></p>	<p></p>	<p></p>	<p></p>	<p></p>	<p></p>	<p></p>	<p></p>	<p></p>	<p></p>	<p></p>
----------------	---------	---------	---------	---------	---------	---------	---------	---------	---------	---------	---------	---------

旅順死事傳

旅順死事曰張盤曰黃龍

張盤者督師孫承宗麾下守備也天啟三年二月

鄒本作四月

承宗出關先是登帥沈有容兵至廣鹿島分舟師布間謀
宣傳大兵且至敵遂棄金州而保復州於雙整子掘溝為

邊至是屠復州民十餘萬

鄒本作一萬餘

虛金復不守而以西虜

二萬人守蓋州蓋以東奴不復至遼人亦不復耕藉地數
百里承宗所遣張盤乘金州之虛率眾據之五年二月奴
兵南下盤退兵旅順奴襲之懸軍七百里晝夜兼行殺馬
以為食攻之疾力盤孤軍無援不能支力戰而死

黃龍江西人

明史本傳作遼東人

初毛文龍既誅龍以總兵代領其

軍龍素嚴馭下苛急未幾鎮兵大譁劫龍幽於別室後得

脫屬登州用兵調龍移駐旅順未幾奉命進前三島相機

扼防三島者廟島古沙門島鼈磯島唐太宗征高麗時駐

蹕地也當登州北面為虜突圍必走之路龍乃以戰船八

十艘發旅順揚帆南進值颶風大作全艘散沒龍不能列

戎鄒本作乃收合餘兵還旅順虜襲之百方守禦城將陷

以勅印旗牌授總管譚應華南向拜辭披鎧巷戰死之崇

禎六年某月日也明史莊烈帝本紀作七月甲辰八年三月詔贈都督僉

事明史本傳賜祭葬祠名顯忠有李惟鸞項祚臨樊化龍

張天祿尚可義等皆同死元明史黃龍傳作大事聞各予祭一壇仍

附祠祠明史黃龍傳作祀

當陽死事傳

當陽死事曰楊正芳

楊正芳貴州赤水衛人以戰功積官至參將崇禎七年提
勁兵三百數往來當陽遠安間摧寇巨萬嘗於金沙河被
圍三面賊呼之降正芳下馬叩天風忽反發迅礮毒鏢殲
其渠帥寇披靡解去嗣是聞楊家兵無不驚避者賊至當
陽正芳合兵得千餘與京營鐵騎夾勦京兵殺良冒功反
甚於寇正芳申嚴紀律隨方阻遏自蓮坪玉泉音寺厓武
安山清溪梁坪追奪寇掠悉給還鄉井當陽被寇七十餘
日正芳首尾拒禦士民感之於西門岡上立生祠報德是
秋以副將提兵秦豫轉戰深入歿於雒南

明史莊烈帝本
紀作崇禎七年

十月庚戌湖廣兵援漢

崇禎八年四月詔贈太子少傅

傅

中副將楊正芳戰死

史湯九州予祭八壇賜葬建祠官其一子

傳作師

大寧死事傳

大寧死事曰高日臨

高日臨字二陽

明史本傳作字儼若

鄱陽人以貢知四川大寧縣崇

禎七年

七年原作十五年據明史莊烈帝本紀及明史本傳改

獻賊陷城大罵支解

以死

皇明四朝成仁錄卷二

屈大均原著

葉恭綽校訂

潁州死事傳

潁州死事曰尹夢鰲

鰲明史本傳作鰲

曰趙士寬

寬烈皇小識卷四作宏

其死節者曰張鶴鳴曰張鶴騰

騰明史尹夢鰲傳作騰但張鶴鳴傳仍作騰

死義者曰劉廷傳曰劉廷石

尹夢鰲字口口雲南人以貢知潁州事

貢下原注云一云舉人

崇禎

八年正月十二日潁州陷夢鰲被執不屈死

明史本傳作賊眾畢登遠

投城下烏龍潭死

時鳳陽府通判趙士寬分司潁州當城陷見夢

鰲慷慨就命亦焚其妻子於署樓

明李北略卷十一作妻崔氏與二女同縊而

自投城下池水死明史尹夢鼈傳作亦投烏龍潭死妻李携三女登樓自焚曰我勿愧

夢鼈刺史也士寬字汝良原注云一云官生萊州府舉人

張鶴鳴字元平鶴騰字元漢皆潁州人城陷同罵賊死鶴

鳴萬曆三十口年進士緡所藏明朝進士履歷冊作萬曆二十年進士明史本傳中萬曆十

四年會試父病馳歸越六年始成進士官至兵部尚書總督川湖雲貴廣西

五省定安奢亂賊倒懸於樹射之死時年八十五詔賜祭

葬鶴騰萬曆四十一年進士明朝進士履歷冊及明史本傳俱作舉萬曆二十三年進

士絲潞城榆次知縣擢刑部主事調兵部典廣西試入司

太倉銀庫出為關南道遷鞏昌副使改雲南所至有名績

告歸年八十死明史本傳作城陷被執罵不絕口而死與鶴鳴兄弟也

劉廷傳字惟中潁州人為潁州衛諸生當萬曆之末知天

下將亂慨然以功名自許所過州縣豪傑皆傾身與之交
得其歡心諸慕氣節者爭趨之為人沉勇有智略與弟廷
石俱任俠著聞河南北崇禎八年春賊攻州城城外故有
樓高於城數丈賊奪據之俛射城中城中人洶洶思潰廷
傳盡從其客入見知州曰事急矣然樓旁故多狹巷可縋
下壯士百許人誘賊使戰別乘間焚其樓則賊勢可感也
知州既許諾而會張尚書鶴鳴在圍中鶴鳴年老矣性懦
多忌從中劫持之其議遂革廷傳力爭不能得奮袖走出
謀矯知州令遣其客令駟本
作命客已悉聞鶴鳴語籍籍怒罵
稍相自引去越明日城陷賊至廷傳家廷傳危坐於堂不
動賊帥厲聲訶問廷傳瞑目叱之遂被害時年五十有七

廷石亦與賊戰敗身中大創十餘處

中郎本
作被

輿至於牀猶

口占書數百言乞鄰道兵逐賊不逾日亦死

鳳陽死事傳

鳳陽死事曰顏容暄

顏容暄字泰屏漳浦人復聖之裔也萬曆三十八年進士
歷官至鳳陽知府崇禎八年正月十五日流賊張獻忠襲
陷鳳陽先是河南大旱群賊之在河南者凡十三營分道
攻破滎陽屠汜水以及鄭州南圍汝寧破固始更自懷慶
渡河掠歸德睢汝陳許等州且至襄陽獻忠與老回回滿
天星掃地王太平王金翅鵬等賊從睢州入英山霍山遂
至鳳陽留守署正朱國相明季北略卷十一無相字千戶陳弘祖陳以
忠以明史尹夢鼈傳作其以兵迎戰死之容暄端坐堂上弗為動賊
至大罵被殺其首墮地體猶繞柱行十餘步至川堂門觸

闔乃仆門子某陰藏其首賊退出而殮之或曰當賊退時
新知府至任天陰雨濕輒見簷下一青石隱隱有人卧形
澣之不滅左右有告者曰此影曩時未有當城陷時太守
顏使君被執不屈賊怒笞之簷下此或其遺影也新知府
因以此石葬之號為顏太守影石之墓野史稱賊陷鳳陽
容暄囚服匿獄中賊釋囚得之杖於堂下而死非也鳳陽
既陷賊越紫禁城而入焚燬皇陵釋高墻罪宗百餘人唐
王之世子與焉其後為紹宗裏皇帝者是也賊據府舍自
稱古元真龍皇帝蓋獻忠也變聞上素冠服避正殿遣官
告天地社稷哭於二祖列宗廟命駙馬都尉王昺太康伯
張國紀行祭慰禮下詔罪己諭中外臣民以振刷國恥盡

心滅賊為務而逮漕撫楊一鵬誅之蓋鳳陽無城可守一鵬駐札兵不過二千餘皆市人不習戰故賊至隨陷云

屈大均曰鳳陽在鳳凰山之陽高皇帝之湯沐也嘗欲改

都於是因名中都而府曰中立中立原作中直據鄒本改

祖吳元年升為臨濠府洪武二年九月建中都置留守司於此六年九月曰中立府七年八月曰鳳陽府蓋以

萬歲山之陽有皇陵在焉皇陵發源於荆塗淮濠之間龍

脉綿亘自南而北左日精右月華三峯聳削萬山拱衛誠

東南之最勝而萬世根本之地也知府顏公有守皇陵之

責以死殉之是時指揮陳永齡千戶盛可舉亦死之舉明史尹

夢鼈傳死者凡吏民四千三十八人中間或有死得其正

者然而不可考矣

...

...

...

...

...

...

...

...

...

...

...

...

和州死事傳

和州死事曰黎弘業

黎弘業字孟擴新會人

明史本傳
作順德人

天啓元年舉於鄉崇禎

七年任和州知州多善政八年春流賊張獻忠自廬州三
掠和境弘業圖上方畧請命監司不報乃率士民壘城浚
濠為死守計閱數月賊不能入人有懈志弘業曰滁和二
州國家之岐毫也南壤鳳泗北整陪京為吳楚水陸之衝
南北必爭之地一有不虞長江之險與賊共之彼豈能一
日而忘窺伺哉益務治軍冬十二月二十六日賊果來寇
眾數十萬延亘三百餘里旣薄城弘業始其魁率前與之
語猝飛礮擊之果殪賊懼將去會日暮風雪大作城上燈

火盡滅賊積蘆荻城南高塚丈餘焚之守者驚救而賊潛
從北門入矣弘業右手自剄左手出其喉不卽死復裹創
曰等死耳吾將陷陣猶有兇渠當我鋒刃者嘆血書絕命
詞解壁率健僕三人馳擊殺賊數十人乃死賊入室惟圍
史數編及請援文稿而已相顧嘆息為局署門而去母李
妻楊一妾一子三女明史本傳作女四人皆縊死除前一日也
學正康正諫訓導趙世選總營周廷儒並死之略明李北
營卷十一
作管正諫祁門人舉人世選字韋所山陽人初賊急賊下當
有缺文弘業募死士突圍請援時經略駐師安慶以除夕近饗士
卒置酒高會惟諭固守以待比城破賊屠害慘甚經略知
賊將去乃徐出兵和州人痛弘業之死而咎經略之不救

云鳳撫朱大典以聞贈弘業太僕寺少卿諭祭葬廕一子
入監讀書

屈大均曰和州故有周侯忠烈祠其碑云和雖在江北實
蔽江南蓋西援合肥北接滁濠而東南直姑孰建業之間
允渡淮而有事於南者不得歷陽則不敢窺江自東晉以
還屢鎮以重兵守以信將視為南國喉襟當宋開禧丙寅
邊釁遽開旋進取之師為退保之計有周侯虎者來守是
邦顧謂諸將曰吾它日守浮光願為陳亨祖守山陽願為
趙立今得斯城而守之亦願為姚興輩蓋三人者皆死於
其所云是冬金賊大入以眾十餘萬至城中聲援四絕而
賊生兵日增侯自分必死將士僚吏激於忠義亦皆有死

之心無生之氣城困月餘被攻十有七日大小苦戰三十
有四卒以蕞爾之眾鯁賊喉牙使不敢渡江南犯時人謂
侯之全歷陽其功不在睢陽後云當城困時侯有母年九
十餘惟侯一子一孫甫九歲侯知賊至必死請其母携孫
逃難江南其母不從盡捐奩篋日作茶鹽餅糒冒重圍以
餉軍士賊怒城久不下攻機畢施作崇祭風於西北隅有
頃南風大作火箭亂發樓櫓百餘間立為煙燼賊將登矢
石雨下左右請侯少避侯揮所佩紫荏刀以示之曰城即
破吾用此自刎汝輩為報朝廷庶九十老親得温飽以終
餘年此足一動忠孝皆不可言矣左右相與泣下事既平
州人繪像並其賢母祠之此其門生知歷陽縣謝德興之

言也嗚呼當是之時兀术顏亮諸首

應作完顏亮

傾心南寇誓

必致其死力先陷歷陽夷其城圍以絕反顧之慮而後一意為渡江計微周侯出其智勇以孤城羸卒抗忠致命則三吳兩浙幾何其不喋血數千里也黎公死守之事與周侯先後一揆雖社稷之大功未成而忠孝之精誠則一是可以合祠於橫江門內忠烈之廟而其母亦得與周侯之母永國夫人並享俎豆矣州人戴重云當城之陷州守學師而下死者十餘萬人其不辱而死謂之義其辱而不免於死謂之不幸嗚呼惜矣賊退孤子童孫寃憤罔極以義烈相高寢而失實或郵於朝或表於有司若幽閔滅沒殫節湮名又不知其幾也十年五月巡按御史特按州所以

殘陷狀哭極哀祠諸男女死者萬餘人賜名香烈甚盛典也當寇圍和州南京遣卒三百援之登岸皆沒嗚呼是皆國殤之為烈也哉

定興死節傳

定興死節曰鹿善繼

鹿善繼字伯順號乾嶽定興人大父久徵萬曆間官江西道御史有直諫聲疏救言官三十四人被謫父正字成字熹宗時嘗於左魏諸臣傾身急難所謂鹿太公者也善繼以萬曆四十一年進士授戶部山東司主事

明史本傳無山東司三字

職鹽法爬搔利病洞悉源委人稱其學為有用以憂去補

廣東司遼餉中匱報以便宜借發金花二十萬餉遼神宗

震怒謫之光廟卽位復其官改兵部職方司

明史本傳云秦昌政元復

原官天啓元年遼陽陷以才改兵部職方主事

時遼陽初陷中外洶懼善繼為兵

部尚書某草疏請逮某斬某以伸國法會兵部尚書王象

乾行邊因用廢弁某與職方郎中耿如杞左如杞持之力
大學士葉向高擬司官不得違阻之旨善繼致書向高曰
邊疆之壞繇於債帥中外諸貴人入其債而求請於職方
職方自愛其官不得不徇諸貴人之請今幸得一憂國奉
公不惜情面之人反奉旨不得違阻胥天下以職方為市
永無不債之帥者自此一言始矣向高服其言天啓二年
孫承宗以大學士理兵部事請置逃臣熊廷弼王化貞於
法與善繼言合已承宗自請督師已下應善繼慷慨請從
之承宗謝之曰太宰以銓部屬公蓋以公清真安雅也吾
不願奪賢於銓部且不憂太公已著乎曰辭銓司就塞上
此常人之所不為也

原作辭塞上就

銓司據鄔本改相公顧謂善繼願之

乎謂原作爲
據徐本改

家大人范陽男子書來囑善繼亟亟從公於

邊老人為汝加一飯矣相公以善繼常人畜之猶可而恐以常人畜家大人乎時吏部諸郎群欲挽留善繼善繼曰軍中無苦樂但問所從誰孫相公一日在師中善繼嘗一日在幕中也承宗既與善繼出關以為保關外乃可以保關內保關內乃可以保畿內首關八里鋪畫地築城而關門之規模大定經營四載拓地四百餘里敵棄廣寧退守河東我復九大城四十五堡招練精兵十一萬立車營十二水營五火營二前鋒後勁營八弓弩火礮手五百輕車千偏廂車一千五百輛沙唬船六百馬駝牛羸六萬甲冑器仗弓矢火藥蘭石渠荅鹵楯合之數百餘萬我進數百

里敵退七百里西虜受我戎索東奴不敢過河一步招集
遼人四十餘萬遼兵三萬兩年屯田五千頃得粟十五萬
鹽筴錢稅朋椿入可七萬採青省十八萬多出善繼經畫
而口不言功功亦不及僅以久次轉員外陞武選司郎中
而忌承宗者並及善繼百計阻之遂移疾相從而歸崇禎
初起尚寶司卿陞太常寺少卿管光祿寺事事無細大成
修明職掌未三載復請告歸九年八月敵掠畿南明史本
傳作七
月犯定興善繼從鄉落返城守禦七日城陷明史本傳
作六日敵
兵提刃逼之弗為動遂死之承宗賦詩以弔得六十四章
鄒本作六十章注云孫高
陽前後督師略作百首有祝予之痛子化麟舉天啓辛
酉鄉試第一伏闕訟父忠不勝喪死詔贈善繼大理寺卿

廢一子入監讀書賜專祠弘光改元諡忠節予祭葬
屈大均曰公嘗讀王文成傳習錄好之慨然有必為聖賢
之志其學以認理為主而言理卽在事上故嘗謂人曰讀
有字書却要識沒字道理學者多服其言先是神廟末年
高公攀龍馮公從吾鄒公元標講學京師相戒以勿言朝
政勿談職掌公曰離職掌言學則學為無用之物聖賢為
無用之人矣遂不往後數年與高公偶過於朝房辨析疑
義高公恨相見之晚且疏薦之使佐孫公承宗孫公嘗云
吾窮年絕塞對此畏友不獨以軍務相攸助云

卷之三十一

...

...

...

...

...

...

...

...

...

...

...

應城死事傳

應城死事曰張國勳曰鄧祖禹曰張紹登

張國勳字伯明黃陂人崇禎六年以歲貢授應城儒學訓

導上平寇五策於朝

鄒本作上平越三策

上嘉納之李自成自豫入

楚楚掠鄭襄等地國勳聞之誓不與賊俱生未幾

明史張紹登傳

作九年

突犯應城知縣張紹登與國勳策守禦百方賊遽去

九年八月賊再攻應城紹登欲闔城以守國勳曰不可我

閉關而守是以關外之民與賊也棄關外即棄關內矣不

如出也出則關外之民吾民不出則關外之民皆賊也

皆鄒

本作

國勳遂率義兵大戰北關外斬賊百餘賊又遽去

又鄒

本作

冬十月復以數萬眾來攻其鋒甚銳向城大呼曰與

我金帛將舍汝或議許之國勲正色曰應城陵寢重地賊

有求而我與之是賄賊也與之而去亦喪威不去而復求

其何以給不如堅守以待救且應城民力竭矣今若悉索

金帛於民勢必內變於是與紹登約約鄒本令副將鄧祖

禹原注云字又玄新水人萬曆四十七年中武進士守西南城紹登守中城明史張紹

登傳作住來策應國勲自守東北賊環攻六晝夜不克被簡石火

嬰破腦多死圍至三月餘城中糧盡老弱枕藉死者無算

籍原作籍據鄒本改東南城角忽潰賊乘間登陴祖禹躍馬殺數賊

負創死一云被執罵賊賊縛之大樹剖心剗肝殺之國勲

猶堅守東北城有告以縋城下者拔劍斫之左右不顧去

乃還署朝衣朝冠向北拜隨謁孔子廟賊群擁之將舉火

燕學宮國勳厲聲罵賊抱先師木主大哭忽風返火滅空中有聲如雷賊懼止燕執國勳問曰爾何官降我國勳曰我儒臣

臣鄔本作官

豈可降賊賊露□及向之國勳指賊渠大

罵賊刺其手燃五指炮灸復罵遂支解之散投烈火中一時從者胞弟世補及家丁張德等一十二人皆爭死無一降者子世祐年十五以諸生守黃陂城聞變往斫左手一指以血為書告於雲夢之神以求遺骨神告之故世祐於是伏闕上書天子詔依房縣鄖西死難教官馬應魁王純鄉例贈國勳將仕郎國子監學正准入鄉賢名宦祠世廢一子衣巾奉祀與紹登祖禹並祀紹登亦以罵賊不屈死屈大均曰自寇亂以來教官之以死勤事頗多其人惟國

勲張公最烈予所聞尚有九人孟宗孔漢陽教諭也崇禎

十年閏四月賊一條龍順天王等攻圍漢陽

鄒本無賊字

宗孔

與知縣孔貞祚率鄉兵堵擊賊移營偽避乘夜復來城遂
陷宗孔死之趙承學藍田教諭崇禎十年巡撫孫傳庭所
部將士據藍田以叛承學罵賊而死竇擢吾者富平人思
貢城固教諭閩賊圍城絕粒不食死趙春芳者韓城人天
啓四年舉人許州學正署縣事閩賊至誇降不應城陷罵
賊死趙士達者永壽人歲貢莊浪衛教授城陷罵賊死孫
禔陽曲人貢士蒲州學正城陷投井死陳方壺者鄆都人
內江教諭賊張獻忠至閩城逃邏方壺集義旅五百人拒
守獻忠攻之數日乃陷痛罵不屈被賊斃解死龔元祥者

長洲人霍山教諭姚允恭口口人霍山訓導城陷俱死之
睦明永者字嵩年丹陽人崇禎十五年舉人上海教諭敵
徇嵩江明永大書明倫堂壁曰明命其永嵩祝何年生愧
祖父死依聖賢縊而死又談王道任新鄭訓導其死節事
別有傳自孟宗孔至此其死也皆合於道義光明正大是
皆師儒之傑所謂不辱夫子之門墻者也身無民社之寄
而輒與城為存亡若張公者以俎豆為戈矛以諸生為軍
旅死護學宮精迴風火其有功於聖門以之從祀豈不賢
於馬融許衡之徒乎哉聞甲申三月十九日之變順天府
學教官五人同縊於明倫堂上惜不詳其姓名嗚呼庠序
之設所以明人倫也孟趙諸公皆節義依然不負此堂朝

廷之尊重學宮良有以哉

隨州死事傳

隨州死事曰王燾曰徐世淳

王燾字濬仲崑山人萬曆四十六年舉人崇禎九年以教諭陞知隨州賊張獻忠圍隨燾與守備鄧祖禹馮時薦等出戰斬獲頗多生擒賊陳月顯江寅等二十餘人外援不至內守益堅相持至九十餘日賊有隨州紙城變作鐵城之號原無變字據明李北略卷十四補拔營而去撫按上其功以為守禦

第一無何應城陷隨守將王必用率兵先遯賊以屢挫其

鋒憤甚十年二月合兵數十萬復來攻

明史本傳作正月明李北略卷十四

作戊寅

二月關廂失守城遂陷燾單騎巷戰身被十餘創北拜

自經而死巡撫余應桂巡按林銘球疏請褒卹旨下未覆

鄒本作十七年六月禮部尚書顧錫疇上其事乞與蔡懋

德並祠賜祠名曰雙忠詔從之

徐世淳字中明一字弟之嘉興人大父學周雷州府同知

父必達兵部侍郎

必達明季北略卷十七作以建

世淳萬曆四十六年舉

人

明史本傳作崇禎中舉人

初教諭永嘉飭治學宮課文行定禮制諸

生夏景禧請終生母服為引慈孝錄及大明會典上學使

者許之甌越之人自是生母得終喪世淳之化也劉香餘

孽出沒海上

鄒本孽下有時字

建關隘絕勾引甌越底寧方略多

自世淳出崇禎十年除重慶推官省釋冤獄數十人摘發

大奸張成郝應選等十餘人民服其明察署巴縣事會督

師楊嗣昌徵餉萬斛過五日以尚方從事世淳括倉穀餉

舟船咄嗟立辦

立原作力
據鄔本改

民不告病督兵協勦資簡諸首

兼程鼓行舟騎糗餌不期而集我勇自倍獮戢無算一時

以智略稱焉考滿當內召有沮之者改隨州知州隨山城

方二里許屢經破陷蝗疫相踵旱潦頻仍戶口僅存三百

人皆為世淳憂之世淳曰王事倉皇非臣子辭難之日也

以死讓人不仁奉命不守官不義慷慨遂行先是獻忠攻

陷隨州知州王燾血戰以死越三年世淳適補是州道經

夷陵謁嗣昌嗣昌雅知世淳謂曰殘隨不足受任吾奉上

命得自移調將置君善地何如世淳謝曰固知危城必不

能勝任然君命也弗敢違成敗利鈍一身當之所以報明

公耳過家不入而訣辭於祖父墓曰

鄔本無
田字

召二子肇森

肇樛諭之曰

樛明史本傳
作樛下同

賊隳巢襄鄧及隨

巢明季北略
卷十七作突

隨三破之餘然郢之肩背也守隨所以衛陵寢也樛也行
捍牧圉以佐我森也居斥冢資以益軍吾必死於此以與
前守王燾為二無反顧矣時十三年十月也甫至隨潰兵
數萬索餉鋒鈿震地世淳登陣諭之不止往責其帥曰本
州今日至隨耳然已知二三瘡痍無可犒軍且隨民苦兵
甚於苦寇公為國家大將獨可塗毒殘民而脅官乎帥怒
將有所發世淳復曰軍之不供給守之過也無已則殺守
可乎或械守以見督師監紀乎然世淳向者監軍夔渝征
蠻資簡水陸並進弓刀相銜歸師過峽數萬之眾肅然今
至楚中日見官兵為暴已上書閣部受檄監紀行將得旨

以軍法從事矣汝曹毋以隨自試也不揖而出帥恐遂引去隨人大悅賊且至朝國人而大誓之歃血於神要以必死修城濬濠拓羊馬墻抽壯勇庀礮石卹飢寒平賑糶府庫匱乏則捐家財給之民和而奮咸有固志繕南城譙樓寢處其下慨然謂僚屬曰身與公等枕戈待敵以此樓為死所矣明年二月獻忠襲陷襄陽蹂德安將窺陵寢購獲細作要遮捕斬賊知有備走攻應城應山皆不下

鄒本無不字

遂悉眾攻隨世淳間使三走鄖陽告急巡道趙某抵其章於地弗顧巡撫發一遊擊援隨趙勒之守鄖留弗遣時世淳不食二日不解甲五日與參將張人懋力守殺傷相當二十五日賊急攻南城潛師八道隳北城以入世淳急埋

州印廨後勒馬巷戰中兩矢墜馬左掣佩刀右握印箱鎚
慨銜於袖賊拽之不得鉞刃交下以死年五十有七肇樛
趨至拊屍哭踊罵賊賊並殺之且死疾呼州人告以埋印
處妾趙氏王氏臧獲十八人皆死賊驅趙出不可先殺其
所抱幼女申姑趙奮罵賊賊乃殺之巡道以阻援自諱欲
沒其死事狀荆西道力持之楚撫按乃上其事上贈世淳
光祿寺少卿

光祿明史本
傳作太僕

諭祭葬建祠肇樛奉旨拊祭隨

嘉二祠廡一子入監

屈大均曰錢謙益曰惟守隨之事與睢陽無異睢陽江淮
之前障也拔雍而扼睢則可以通南北隨承天之後翼也
越隨而保郢則無以蔽陵寢捐必死之身委必破之城俾

其專力致死陷隨之後兵鈍氣單橫折而去而陵寢晏然
無恙君之志遂矣後二年賊再至漢東無藩籬之恨原廟
震驚然後知君之以死據隨與南陽之據睢一也嗚呼護
陵之功守隨為大失隨之罪絕援為太今也賞斬於守死
罰佚於擁兵國論慎錯而盜賊滋不可撲滅則豈非謀國
者之咎哉君之滿考也例當內召蜀人疾君彊直以隨為
絕地陷君其卒以成君奇偉激烈者天也乃為銘其墓曰
江漢迴伏拱趨顯陵天造地設萬靈式馮漢東之國隨為
後蔽如人背肩心膂是衛烈烈徐君効死守隨隨亡身殞
寇戈北迴如隄受水捍禦奔敗岸壘隄崩水勢亦殺煌煌
顯陵原邑膺膺空曲鬱盤王氣自古衣冠月游陵樹蔥青

帝眷南顧慰我光靈父子肉糜婢妾屍枕闔門刳屠以保
陵寢帝曰念哉女郎女祠功崇報夷過在所司賀蘭環顧
始興不作陷巡莫問議壺誰駁下有青史上有白日假彼
貞珉奮此直筆疇司戎律疇秉國成義則竊取讒鼎之銘

寧羌死事傳

寧羌死事曰周應泰

周應泰者不知何詳人

嘉慶重修一統志卷三百四十一作麻城人

崇禎八年

任寧羌州知州先是正月寧羌陷賊屠居民至盡應泰至僅餘空城無與為守凡二月招徠撫卹流亡稍集十年八月闖將過天星等戰敗從漢中入蜀道經寧羌十月三日

原注云明史本紀作九月癸巳

城復陷應泰死之學正陳已志訓導鄧孔

健指揮徐大行皆拒戰死巡按孫傳庭以聞命未下先是九月二十六日過天星等九股大賊勢逼漢中府將圍攻掠總督洪承疇與總兵曹變蛟度棧道往援敗之漢中圍解越七日賊經寧羌復陷之方是時兵勞而不得息地殘

而不能支故賦於死亡之餘猶得肆其兇鋒攻陷焚戮應
秦之不能守禦城亡與亡固其所也

濟南死事傳

濟南死事曰宋學朱曰周之訓曰鄧謙曰李應薦曰劉

化光曰苟好善

苟原作苟據明史本傳及雍正陝西通志卷六十一改

曰馬嗣煜

宋學朱字用晦長洲人崇禎四年進士初授南京工部主事管寶源局歲餘得羨餘若干俱以歸公帑不私一錢著書名司鑄政略丁外艱服除補禮部主事改雲南道監察御史劾楊嗣昌田維嘉唐世濟史堇袁鯨五人侃侃不阿繇是為黨人所忌十一年冬北兵破居庸關南下山東大震於是巡撫顏繼祖方以所屬兵移鎮德州總監太監高起潛以兵駐臨清濟寧間為聲援濟南告急時學朱巡按至章丘急策騎馳至閱城中兵惟得土兵五百人及調萊

兵七百人嘆曰此省會重地且有藩王在守衛單弱乃爾
我無死所矣凡先後七上疏求援及條上方略皆寢不報
卽率兵登陴未幾北兵抵城下圍一宿去學朱益嚴守禦
具旣而北兵大集環營三面築長圍困之城餉絕乞德
王出帑金犒軍又命將士與佛郎機火器以擊北兵圍稍
却相距九晝夜守城者面目皆生瘡援兵竟不至其明年
正月二日天黎明學朱方率巡道官周之訓巡道官明史
張秉文傳作
副使及典史田多善等守東南門眾諱曰城陷矣北兵肉薄
以登學朱猶躍馬率親卒數十人循城而西持白梃格鬪
力屈死之其地在城西南門譙樓下云之訓亦死多善寃

免長子德寬聞之

寬明季北略
卷十四作宸

匍匐抵濟南號哭徧求遺

骸不獲多善及學朱故所從胥吏得脫者言之復往城西
南門求之多善指示學朱死處獲所遺令箭鏃一

鏃原作鏃據鄒

本改繼又獲巡按御史印一而已巡撫累疏陳學朱死事顛

末有旨覆勘先是起潛既不援濟南又以失藩王故恐受
誅謀欲却罪於學朱而中朝黨人忌學朱者遂誣學朱不
死次子德宜伏闕上書略謂臣父銜命巡方本無兵柄然
猶慷慨身任卒以死殉泣念臣父子身蒙難非若守土諸
官携有親屬收視致使形銷骨化無櫬可還惟冀上邀君
恩稍光泉壤而詳覆再三尚缺題卹臣若隱忍何以為人
復何以為子其言絕痛復有旨察議久不決給事中光時
亨上疏力白學朱被誣狀江南士大夫在中朝者自刑部

尚書徐石麒以下凡三十有四人復公言於朝而吏部左侍郎沈惟炳亦請予卹廕援故巡關御史王肇坤例議猶不決而北京遂陷弘光初始贈太常寺卿廕一子入監讀書

屈大均曰汪琬曰公一羸然書生耳使得立螭頭之側正笏昌言為當世良臣可知矣不幸趨冒矢石內無金粟之儲外無虻蜂蟻子之後驅老弱千數空拳枵腹使當粹至之鋒事一不捷以死繼之視晉之卞侍中唐之張睢陽亦何以異而議者顧媒孽阻撓其間賞罰無章莫此為甚此國事之所以不振也噫

鄧謙字少于孝感人崇禎元年進士幼慕于忠肅之為人

每曰大丈夫當戮力王事卽輿觀而歸猶愈死兒女子手中也初授大理評事擢兵科給事應作給事中改兵部員外九

年口月北兵薄都城謙捍禦有功未幾出為山東參政明

北略卷十四作成寅為山東參政又明史張秉文傳政作議及北兵困濟南謀泣血登

陣奮不顧身被磔死事聞贈中憲大夫明史張秉文傳諡

忠毅

李應薦恩縣人萬曆四十一年進士崇禎初以御史削籍

歸里北兵至捐募義勇奮志守城城破被執不屈死

劉化光歷城人與子漢儀皆舉人北兵至破家守城城陷

父子俱沒於軍中

苟好善字若誠醴泉人天啓五年進士兩任知縣以治行

擢南臺御史有抗直聲請量蠲江浙賦稅發內帑賑濟陝西又請就陝西應徵者照數減派使民獲朝廷實惠語侵當事忤旨尋遷濟南知府崇禎十二年正月敵入不屈死

原作十五年口月據明史莊烈帝本紀及張秉文傳改

馬嗣煜字元照同州人博極群書個儻有大略流寇起嗣煜起造簾架火箭出銀麥助軍晝夜守禦州賴以全崇禎十五年以貢任濟南通判築城濬池清衙蠹屏巨猾以便民為務其僕役有言及家事者叱曰在家言家在官言官舍公而濟私豈夙心所期哉朔望下學講書正儒術設鄉約民俗悉化持身清苦一無所取署武定又署蒲臺士大夫父老攀轅號泣嗣煜仰天嘆曰我卽獲罪寧負百姓敵

至守南城東城先陷從者皆欲逃竄嗣煜曰天數已定寧
可以苟免乎不屈而死事聞苟好善贈太僕寺卿嗣煜贈
太僕寺少卿

屈大均曰蘇桓曰今欲天下治安當重郡守之權如欲重
郡守之權則在先選其人欲選其人則在先責舉主欲責
舉主則在先禮大臣蓋大臣國之股肱而人臣得至秩三
品者皆多歷年所積有勞勤使因舉不才之人以為郡守
致敗厥官必所不為而凡有舉主得為郡守者其在郡功
罪舉主共之如是則郡守勢必得之其要在使其情得上
達凡事關地方利害者得以疏聞於上外而撫按御史內
而通政司使有沮遏者以違制論而所治一郡之內僚屬

知縣有不肖者得自舉劾其兵馬錢糧刑獄之類一聽自行裁處如遇寇警許即便宜行事務以一賊不至所治為功上而撫按監司撓之下而推官知縣沮之以致失悞軍機者照等論罪又曰及今於凡虜寇所經郡縣任用三品大臣所保薦者以為郡守界以千里之地使自舉所部邑令選簡義勇訓練土著種粟屯芻選材蓄眾自戰自守不煩官兵以擾居民不需借餉以匱國儲必使其人視此千里之地一如辦其家事朝廷務責成功不必苛求細瑣科道務言功罪不得挾私瞽說撫按但為覈實不得借端滋害如此而或治郡無功不能遏賊仍致地方殘破生民流離卽同舉主皆膺重辟倘有跡邁古人功隆一時者卽陞

巡撫或加卿貳職名仍守本郡舉主亦與賞擢以勸後效
通計天下之大郡有賢才以治之文足經邦武足戡亂則
亦庶乎小康矣大均曰古者二千石生殺予奪得以自制
天子亦舉千里之地畀之故事權一而威福行漢宋往事
可稽也今之為守者大抵垂首素餐於一郡之上一無所
為而一無敢為資發矣而無兵可用水旱困矣而無策可
施奸惡橫行矣法不克行則任其暴以苟馬二公之賢使
得重權如蘇桓氏之所云其能保民捍賊建立功業豈顧
問哉惜乎徒以孤城死守自明其節而無補於國家也嗚
呼有國者其亦知鑒矣我又聞有王胤者吳橋人崇禎末
以舉人知河南某縣城破被執賊索印捶楚備至終不與

墮城而死有王士和者江西舉人隆武中為延平知府城陷自縊死嗚呼是亦苟馬二公之可惜者也

河南知縣死事傳

此傳據史
研本補

河南知縣死事曰劉振之曰劉英曰姚昌祚曰王士昌
曰徐日泰曰韓醇曰劉士豫曰魏令望曰潘弘曰紀懋
勲曰李貞佐曰丁泰運曰周騰蛟曰柴存樞曰許永喜

喜明史本
傳作禧

曰張人龍

劉振之字某

明史本傳
云字而強

慈谿人崇禎庚午舉人為黃道周

所拔士十二年知縣鄢陵賊至擐甲登陴力竭謂父老曰
勿以吾而累若曹之命衣冠北拜自刃死道周額其門曰
忠孝大儒振之為諸生時人稱三不好言不貪財不好色
不惜死也果符其言

劉英貴州人崇禎十三年以貢知遂平縣聞賊陷城死之

姚昌祚臨晉人崇禎十三年知泌陽縣獻賊陷城死之有歌之者曰山城鐵騎掩中宵百里神君舊姓姚手挽梨花血滿路誰將此事報先朝

王士昌雲南人崇禎十四年知泌陽甫任城陷不屈死之

按明史潘弘傳云泌陽凡再陷崇禎十四年五月張獻忠破信陽獲左良玉旗幟假之以登城知縣雲南南寧王士昌懷印端坐被縛謾罵死臨昌姚昌祚代之甫數月復陷昌祚手斬數賊力屈死

徐日泰鄭西人

明史本傳作金溪人

崇禎十三年知偃師縣流寇陷

城死之韓醇四川舉人崇禎十三年知新野縣城陷不屈死之

劉士璟字崑白西蜀人知沐陽縣逆闖南潰陷城死之

魏令望

明史本傳云字于野

武鄉人崇禎十三年以進士知太康縣

流賊攻城嚴力守備時大河以南拒守者止歸德陳州及
太康三城太康陷賊憤屠之令望闔家死焉

潘弘字若稚山陽人崇禎十六年以貢知舞陽縣

明史本傳作十

三城陷與子生員澄瀾罵賊死口詔贈弘僉事

紀懋勳膠州舉人崇禎末知鹿邑慷慨喜任事城陷死之

李貞佐

明史本傳云字無欲

安邑人崇禎末知郟縣

明史本傳作十四年城陷

被執不屈死之母喬氏亦死焉

丁泰運

明史本傳云字孟尚

澤州人崇禎十三年進士初知武陟調

河南城陷不屈被炮烙死

周騰蛟香河人以舉人知汜水縣流賊自雒攻汴騰蛟遷
縣治於摩天砦以扼其衝賊攻之力城陷自溺於河

柴薦裡浙人崇禎末以舉人知涪州城陷罵賊被磔死
許永喜曲沃人萬曆間舉人知上蔡縣有惠政崇禎十五
年春上蔡陷先一日賊以數騎大呼曰今不開關明日一
城當為血沼民懼告永禧永禧嘆曰賊勢所向無敵一邑
其能守乎我惟以死謝朝廷而已著袍笏北拜秉燭坐賊
近乃自刎

張人龍遵化人崇禎末知寶豐縣城陷不屈死妻孺人少
艾逆僕四人將脅以非禮孺人治酒飲之乘間出呼丞尉
約守備率兵擒之乃扶櫬獨歸

永寧死事傳

永寧死事曰武大烈

武大烈字海寧臨潼人天啓七年舉人崇禎十三年知縣
永寧歲荒設法賑濟全活甚眾縣有藩封萬安王甚橫大
烈以法繩其爪牙王為歛戟闖賊自楚入豫攻之城四門
俱焚大烈督戰七晝夜明史本傳作
固守三日殺賊無算力不支大
書於案云武氏祖先孝子大明皇帝忠臣賊勸降不顧索
印曰印乃朝廷之寶賊敢問耶被炮烙以死

Table with 12 columns and 10 rows of text. The text is extremely faint and illegible due to low contrast and scan quality. The layout consists of a grid of vertical columns separated by thin lines, with a thicker border around the entire table area.

錦州死事傳

錦州死事曰容報國

容報國字君寵新會人少有血性務學多藝能起家省祭

省祭徐本同鄒本
作有祭疑均誤

親終喪葬循禮崇禎間任錦州倉大使

錦為巨鎮屯重兵倉庫場局官吏盡逃報國以一人兼攝

之會計詳明州事倚以為重諸倉歲羨悉以歸之公帑祖

大壽錄其廉能薦授州判崇禎十三年庚辰魏運不繼報

國間行出催糧至松山聞敵兵將趨錦松山知縣石某勸

之少逡巡候進止報國泣曰錦兵掘鼠而食數米而炊糧

若不入則無州矣寧可無身不可無州遂趨糧入城

趨原
作趨

據徐
本改三日被圍糧盡援絕錦州不守報國具衣冠向闕五

拜仰藥死錦卒李清逃出言於人故其事得聞

...

...

...

...

...

...

...

...

...

...

仁壽死事傳

仁壽死事曰劉三策

劉三策字叔簡鄱陽人以天啟辛酉舉人知四川仁壽縣

崇禎十三年城陷

三原作五據
明史本傳改

罵賊死

卷之二 軍機處
三 軍機處 設於內閣
四 軍機處 設於內閣

三 軍機處 設於內閣

河南死節大臣傳

河南死節大臣曰呂維祺

呂維祺字介儒

明史本傳作字介儒號豫召

河南新安人萬曆四十一

年進士初推官兗州陞吏部考功司主事歷文選驗封郎

中光宗崩諸臣請見嗣君於慈慶宮門會中貴導駕幸小

南城

徐本無小字

維祺言梓宮在殯大寶未登不宜輒輕萬乘

仗出中止又言近習不得干政選侍宜急移宮諸醫侍疾

無狀宜按問魏忠賢啣之廷推維祺掌計矯旨弗用罷歸

威宗卽位起尚寶司卿改太常寺少卿尋陟正卿

原無正字據翁

山佚文

輯補 上防微八漸及聖學疏上嘉納之崇禎三年遷南

京戶部侍郎時南庚告匱官軍數萬寄命空帑維祺清覈

官吏侵欺百十餘萬

原無清字據翁山佚文輯補

楚藩侵借三十餘萬

北戶部原借一十三萬疏十事二十四弊於朝允清屯糧

八十八萬

允原作廷據翁山佚文輯改

搜括數百萬以充南餉

括翁山佚文輯

作別節省數十萬以充北餉二年間南庾遂積至一百五十

餘萬以助北餉以修城內外倉場

原無以字據翁山佚文輯補

及江北

倉若干所並置學田起學舍上下詔褒獎六年轉南京兵

部尚書清兄冒補參軍勤行訓練檄提督趙世臣撫寧侯

朱國弼等分督水陸諸軍偵探守禦賊偽以數千人託進

香為名

原無託為名三字據徐木補

襲陷鳳陽維祺急發兵渡江制賊

追勦至安慶賊震懾不敢窺留都上嘗得維祺所上章皆

精明職掌因切責前任計臣某某等某諛言者揀他事以

中傷維祺

原無傷字據翁山佚文輯補

八年二月大計遂削職維祺倉

皇去國無以自明乃為文告於孝陵反覆數千言激昂沉痛有云臣恐一去而天下之實心任事者以臣為前車致聖天子孤立於上國事日以敗壞聞者傷之既歸立伊雒大社講學會河南河北大饑維祺鬻產稱貸日事賑濟先是崇禎八年雒陽大饑維祺父孔學出粟以賑全活一萬七百餘人上特贈右都御史賜璽書樹坊旌之維祺繼其志三年間凡四大賑七小賑全活二萬四千三百餘人為檄勸施得錢若干緡又全活數千人上救荒八事一曰安民請免河南北加派甚者全蠲舊負半蠲新糧以收思亂之人心以遏附賊之口實二曰弭盜以勦為實以撫為權

三曰修城俾富者出資貧者出力名為興作陰作賑濟四

曰賑饑五曰平糶六曰折漕七曰蘇驛八曰勸施上可其

奏時流賊以三十餘萬盤據雒西

時字據鄒本補流原作
疏據原在均據翁山

供文輯改詭求安插總理熊文燦力主招撫以河汝蕭條請斥

空城以綏徠新附維祺移書力爭乃止土賊王之典謀犯

新安維祺得內應數百人斬之會闖賊李自成自關中出

蹂宜陽躡永寧屠熊耳以西屯壁十數雒陽大震時福亦

在城中積金鉅萬謹錄鎗壯不開援兵過者糗糒粗惡投

之地詔王維祺數與有司請貸王弗聽明年正月賊逼河

南府總兵王紹禹以兵門於西維祺門於北副將羅岱以

兵背西門而兵

兵翁山供文輯
作舍鄒本作營

詭云逐賊實迎之賊用羅

岱軍礮具來攻紹禹兵乘夜殺陣士懸布於堞賊盡上有
起於賊中者曰公非賑饑呂尚書耶我能活公公可乘間
逸維祺弗動賊擁以行道過福王謂王曰綱常至重等死
耳王毋自屈見鄉大夫張炳皇呼其字曰東升亦至此耶

勉全名節炳皇頷之賊渠見維祺曰呂尚書今日請兵明
日請餉欲殺吾曹今定何如維祺瞑目叱之

瞑原作瞑據
翁山佚文輯

改引頸就刃時十四年正月十九日也年五十有五夫人

郭氏聞之不食死詔贈維祺少保

翁山佚文輯
作太子少保

再贈太傅

諡忠節諭祭葬廕一子入監讀書建祠勅歲祀贈郭氏一
品夫人維祺素敦仁孝大父鄉幼齡喪父哀毀如成人見
父燕服輒流涕父孔學事母牛氏牛氏病腫瀕死籲天請

代感神授奇藥而瘳牛氏沒廬於墓傍哭泣上酒食十年如一日先是牛氏早寡截髮毀顏守志四十九年有司並

以聞詔建母節子孝坊鄉人榮之維祺善孝經嘗撰孝經

本義孝經大全孝經或問若干卷

明史藝文志著錄孝經本義二卷孝經大全二

十八卷或問三卷

上表進呈請以孝經列經筵端豫教頌諸學宮

夢天帝錫芝一本十有八莖葉與經篇章相應翌日芝生

壁間色金紫大如升許香芬繞庭維祺拜而藏之於廟是

日也上頒行孝經之詔適至維祺疏謂皇上達孝格天嘗

謂朕不敢與天地祖宗並此不敢之心乃孝之大蓋此芝

之為聖天子休祥也

原無也字據翁山佚文輯補

因名其芝為孝芝云

孝芝原作孝經據翁山佚文輯改

維祺講學之暇考正六書

六原作文據翁山佚文輯

改有音韻日月燈韻母同文鐸韻鑰切法正指及奏疏若

千卷

明史藝文志著錄音韻日月燈六十卷詩文集二十卷

晚有存古十二篇士戒

七篇以敦本訓俗為務同產弟維桔字秦石

明史呂維祺傳作字秦孺

絲選貢知樂平縣城破死之詔贈按察司僉事稱呂氏二

烈時有劉芳奕者雒陽人天啓四年舉人知昌樂縣罷歸

雒陽城陷北向自經死

屈大均曰自孔子繼春秋而作孝經二千年以來訓釋紛

紜至呂忠節公始發明大指

原無明字據翁山佚文輯補

謂堯舜以來

帝王相傳之心法治天下之大經大本此誠廣大精微之

極論

原無論字據翁山佚文輯補

蓋至聖神靈有以默啓之也公嘗進

言天子

原無進字據翁山佚文輯補

謂臣所以勵愚忠報恩遇者惟一

部孝經又上表章孝經八要一疏使其言行自今以至萬
年堯舜之君民可不絕於世也

開縣綿州死事傳

開縣死事曰張令曰劉士傑曰郭開

開烈皇小識卷七及明季北略卷十

七作關明史猛如虎傳及明紀同此

曰猛先捷綿州死事曰張可曰張載

陽

張令

明史本傳作永寧宣撫司人

蜀將也崇禎十三年八月督師閣部

楊嗣昌軍行入蜀嗣昌楚人不欲以一賊留楚而謀以蜀

困賊因而先困蜀凡撫標之精銳者輒調遣之蜀撫邵捷

春曰督師欲殺我耶如封疆何不得已以弱卒二萬守重

慶以張令秦良玉為左右手令勇敢善戰良玉自將精兵

三萬援夔越夔咫尺即其石砮土司

砮原作柱據明史秦良玉傳改

守夔

所以守家也知綿州陸遜之罷歸捷春使按視營壘良玉

冠帶出見為陸置酒嘆曰邵公不知兵吾一婦人受國恩
當死所恨與邵公同死耳陸請其故良玉曰邵公移我去
重慶三四十里而使張令守黃泥窪已失地利矣賊在歸
巫萬山之上俯視我營以驍騎建瓴而下令敗將及我我
敗其尚能救重慶乎且閣部驅賊出楚無智愚莫不知之
邵公不及此時爭山奪險令賊不我犯犯原作能
據鄔本改乃縱之
深入乃原作即
據鄔本改而坐以設防此必敗之道也陸歸言之捷
春無可如何為之涕泣九月監軍萬元吉合川將拒守巴
巫諸險令秦將賀入龍李國奇楚將張應元汪之鳳張秦
凱擊賊楚兵自達州入夔營土地嶺人龍逗留不進賊知
楚兵多新募悉銳來攻應元等苦戰不決賊從山後分兵

突入其營我兵潰亂應元奪圍而出收其兵稍集之鳳裨

將潘應魁戰死元吉馳至軍中令應元兼領其眾十月

十明

史本傳作九

元吉駐巫山捷春駐大昌聲勢相援軍稍張捷春

以大昌水淺地平難持久乃分兵屯報夜又三黃磨子魚河下涌諸處元吉以力弱為憂賊果突至三黃嶺窺上馬渡破之元吉檄諸將禦之於談家嶺賊遂從竹筩嶺進次開縣張令率眾奮擊眾寡不敵轉戰二日夜殺賊數千力盡死於陣良王之兵亦敗捷春收兵據梁山十六日賊羅汝才自豐邑坪還再與獻忠合長驅深入捷春退屯綿州扼涪江自固賊破劍州趨廣元將取間道入漢中總兵趙光遠與賀人龍拒之於陽平百丈二關賊不能進踰昭化

復走巴西我兵邀之於梓潼却之賊疾攻綿州川將曹志
耀王光啟張世福力戰敗績降將張可張載陽陷陣死捷
春之師遂潰賊屠綿州去抵成都捷春被逮論死十一月
朔嗣昌進軍重慶元吉大享將士於保寧號令不一乃以
猛如虎為總統應元副之率軍趨綿州元吉自間道趨射
洪以待賊賊方屯兵安岳里場明史猛如虎傳作安岳界聞兵至宵遁
如虎選精騎追賊元吉營安岳城下明史如虎傳元吉下有應元二字以
遏歸路十二月嗣昌在重慶勒限三日進兵諸將皆行獨
人龍驕蹇三檄之不奉約束初嗣昌憂左良玉跋扈而人
龍破賊有功私許以人龍代良玉為平賊將軍人龍大喜
比良玉有瑪瑙山之捷嗣昌禮之如初謂賀將軍且需後

命人龍大失意以告良玉良玉深沮內恨人龍褊急顯言於眾曰閣部不足與謀瑪瑙山之戰獻忠得脫良玉實故縱之雖順旨請戰其中實不用命元吉知兩將怨望進言曰軍心未一不可以戰令前軍追賊後軍為繼從中道出梓潼逼賊歸路以徐俟濟師此萬全之策也嗣昌不聽曰賊易與耳何用分兵示弱為十五日獻忠陷入瀘州州三面皆山形銳而面江止立石一路可北走賊既自入絕地元吉謀以如虎自南率大兵搗其巢伏兵旁寨逼賊北竄永川逆而擊之可以盡殲賊永川知縣戴堯雲先遁響導無人元吉以輕騎按行城空止丞薄一二人既抵立石賊已先渡南溪走漢川德陽矣元吉單騎至藉田鋪賊遂

渡綿江入巴州方是時嗣昌氣尚驕旣誅元吉之謀不用
自統舟師赴雲陽檄三軍從陸追賊勿令他軼諸將悉從
瀘州躡賊後賊折而東反歸路盡空不可復過人龍一軍
大譟西歸中軍陳可立率其軍背道馳去如虎所將寧國
兵止六百餘騎餘皆平賊鎮兵驕悍不法時諸軍從良玉
者多優游屯駐從如虎者逐山谿風雪中不少休軍中謠
曰想殺我左鎮跑殺我猛鎮跑原作跑據明史如虎傳改蜀中所仗賴
止此一軍人心如此元吉深以為憂十四年正月二十日
官兵及賊於開縣黃陵城諸將請詰朝戰參將劉士傑曰
四旬追賊今始及之舍而不戰使賊數十營遁去我不能
也大丈夫獨取虜忠耳如虎激眾進擊士傑先登賊已披

靡潰敗獻忠乘山嶺見無秦人旗幟左家兵亦倚阻不戰
乃大呼馳下良玉不戰先潰士傑及游擊郭開如虎之子
先捷皆戰死如虎率牙兵苦戰中軍馬智扶之潰圍而出
旗牌兵符盡失嗣昌在雲陽聞敗頓足曰吾不用萬元吉
之言故有此敗令兵還楚顧根本再圖破賊遂還重慶元
吉初自保寧以至達州七百里不見烟火崎嶇青谷間谷字
原缺據明史舍騎放舟放原作收始及大軍故一見督師
如虎傳補即請分兵以為後繼即字原缺開縣之敗親至戰場為文
以祭士傑先捷痛心泣血哀動三軍在夔收召殘卒登白
帝以望賊歷歷山谷間我兵反出其後無一人捍禦之者
不覺拊髀流涕痛吾謀之不用云

屈大均曰嗚呼開縣之敗將驕卒愾而僥倖於一決督師
之不得已也良玉人龍皆跋扈不肯用命致監軍之意主
於不戰不以二帥為可恃而以猛將軍總統之二帥之罪
至是而無以自解矣其後人龍受誅而良玉以舉兵清君
側飲恨而死功名不終為天下笑所謂武人不知大義徒
以駕馭無術過責督師毋乃持論之不得其平乎

汝州死事傳

汝州死事曰錢祚徵

錢祚徵字君遠

明史本傳作字錫吉明季北略卷十七作字君遠號錫吾

掖人吳越王

鏐之裔也天啓元年舉於鄉署恩縣教諭崇禎十年除汝

州知州州為流賊出入孔道土賊乘釁嘯聚依山為梗民

生苦之祚徵至簡鄉勇衝兵得千餘人佯為城守忽夜半

出從間道踰越山谷突抵其巢大破之祚徵念賊眾難

盡誅乃釋其俘招之仍令民千家立一寨有警相救賊屢

失利其頭目魯加勤遂詣州降南召登封諸賊聞之亦皆

來降祚徵選其驍健

原缺選字據鄔本補

送軍門効用餘給牛種遣

歸汝人少休十四年正月闖賊陷河南府遂攻汝州祚徵

麾下言欵賊者斬以徇督戰二日中流矢力疾乘城二
月四日會風霾大作賊發火箭射城上城上發礮應之風
逆火反樓櫓忽焚賊乘之入祚徵被執大罵不屈賊加以
火炮烙一宿死年四十七弟祉徵從子青與僕十餘人皆
死巡撫高名銜以聞奉旨下部議卹未覆

屈大均曰錢公守汝多善政嫻於方略觀其潛師擊賊出
其不意攻其無備亦兵家之常事耳乃當時為將帥者多
不務此何也

襄陽死事傳

襄陽死事曰鄺日廣

鄺日廣字居節

節原作郎據番禺縣志改

番禺人崇禎十年進士推官

襄陽十四年正月二十日官兵與賊張獻忠大戰於開縣

敗績督師楊嗣昌在雲陽聞報痛哭曰吾不用監軍萬元

吉之言故至此令引兵還楚顧根本再圖破賊既至重慶

獻忠即東走雲陽一日夜馳四百里出巫山大昌至當陽

嗣昌遣總兵王允昌等擊之鄖陽巡撫袁繼咸悉兵扼賊

於房竹獻忠留羅汝才為後自帥輕騎下宜城殺督師軍

使於途取其符檄遣賊黨數人詐為軍使夜叩襄陽城門

巡道張克儉納之

巡道明史莊烈帝本紀作副使明李北略卷十七作兵備副使烈皇小識卷七

同此獻忠得計因詐稱督師將還襄陽先二日遣火牌至官
條盡出迎候至公所請見督師不得見夜漏四下偽軍使
與城中潛伏者並起攻襄王府焚端禮門樓執襄王弑之
並殺貴陽王常法投火中城中大亂明日賊眾數十萬薄
城日廣是時督餉荊州聞報馳還比城陷或勸之出避日
廣曰官以城為命民以官為命官去矣民將安歸是城非
陷於賊而陷於官也慷慨盡酒一卮登城擊賊賊縱火焚
門日廣巷戰墮馬死妻譚氏妾李氏二子長逢明年十二
次逢泰年九歲及一女並死二月之四日也四明史莊烈
帝本紀明季
遺聞均作五烈皇
小識卷七作八有橡李在公者番禺縣志作
僕鄭茂興求得日廣
屍殞之身被重傷四五耳貫一箭其母匿古廟中不食二

十餘日矣奄奄待絕在公意為太夫人也扶而拜之灌以米泔稍甦果太夫人也求得一幼女並護以歸繼咸以死

事聞詔贈太僕寺少卿當城陷時襄陽知府王承曾挾帑逃去署襄陽縣李天覺

天明史張克儉傳明紀均作大烈皇小識卷七同此

北面叩

首置印於案不屈自經亦死之先是十二年九月賊過天星等乞降嗣昌受之徙小秦王於房縣過天星混世王於竹溪山中欲散發內地以遠之先是大軍圍賊久之四面皆降賊大軍反為所圍嗣昌弗省也克儉與川東道康四海安插降賊日不暇給賊得免死牌不肯散連營數百里克儉上書督師曰河南北大荒飢民就食襄陽者數十萬新舊降丁錯處其中一夫呼咷皆可發難何異以虎狼自


衛乎嗣昌以為怯弗聽是月二十日李自成陷河南府福
王亦被弒事聞上震悼輟朝三日泣曰雒陽天下形勝襄
陽建瓴東南朕為天下討賊而決旬之間兩藩王皆以國
斃殆天厭棄吾家而剪其子姓也不然何以至此嗣昌至
荊州謂諸將曰皇上待我恩厚當謀再舉俄聞襄陽之陷
及朝惠王王曰先生願見寡人者請先見襄王又聞雒陽
亦陷福王不保痛哭曰何面目復見上乎以後事托萬元
吉伏毒死上聞嗣昌死且恨且憐比見元吉所上死狀嘆
曰督師二載辛勤一朝盡瘁功雖不成志亦可憫命用輔
臣禮歸葬

屈大均曰論者謂嗣昌可為才臣方其受烈皇帝之知遇

也亦欲効忠宣力以報朝廷而薦熊文燦有功絀洪承疇首罪是非混淆人心不服而無以自解於天下矣開縣之敗絲不用監軍萬公之言嗣昌亦自悔過不暇矣初獻忠之降遣其心腹薛國觀之從子某入京關通朝士無人而不受其厚賄獨嗣昌一人不然其督師入川撫臣不與同心帥臣不肯効命殺藩王墮名城而捐七尺以殉蓋已異於欺君伏法受賄偷生之輩多矣初萬公以諸將離心其意實主不戰嗣昌之不用其謀亦非別有成算也受命專征身在萬里之外自念向在上前智勇輻輳功在反掌今師出累年糜餉百萬知我者朝無一人罪我者四面而至故雖將驕卒惰不得不僥倖於一決也嗚呼開縣之敗豈

嗣昌之得已哉自二年楊鶴總制三邊而寇氛始熾厥後
嗣昌督師或罹嚴譴或以身殉父子遠與寇禍相終始夫
豈人為之耶當獻忠之反文燦之誅嗣昌念再負國恩無
所逃罪乃自表請行討賊於是上詔嗣昌曰間者邊陲不
寧卿雖盡瘁未免為法受過朕因優敘還鄉前所奪官卿
引愆自貶堅請再三所執持甚正難相聽許朕聞春秋之
義以功覆過當降徒干紀干原作降
據鄭本改西征失律以卿才識
勘定不難可馳傳往代出郊之事不復內御按賜上方劍
以便宜誅賞卿其獲剪蝥賊早奏膚功詩不云乎無德不
報賊平振旅朕方加殊錫焉將行佩以督師輔臣銀印賦
詩宴餞以方叔亞夫為比問曰卿行兵以何者為先對曰

兵難遙度臣馳至襄陽條上方略御史張肯堂請著為令
有創為撫說者議出編氓行伍以奸細論議出道將紳衿
以通賊論議出督撫鎮帥以誤國論疏入嗣昌弗善也嗚
呼主撫者熊文燦也洪承疇孫傳庭不主撫者也兩人在
關中而穀房安去關中而穀房叛若文燦豈足為有無哉
而嗣昌薦之過矣嗟乎賊之所以日熾者大率招撫誤之
楊鶴受欺於前陳奇瑜受禍於後至文燦穀城之變勢成
燎原矣嗣昌仍以此欺何覆轍之相尋也哉



商城死事傳

商城死事曰盛以恒

盛以恒字勉南潼關衛人萬曆四十三年舉人崇禎十年

知商城縣

明史本傳作崇禎十年舉人知商城縣

商城土俗剽疾地險而多

盜以恒浚城隍練習鄉勇逐降賊一丈青全部又約左帥

良玉勦賊於和豐橋擒一字王展翅飛斬獲無算賊不敢

近商城數年張獻忠陷襄樊

據明史本傳乃崇禎十四年事

乘勢南下時

以恒已陞開封府同知或說以速去以恒不可集紳民議

曰商城雖小實全豫障蔽當以死守巡按御史因留以恒

同守賊數十萬乘雪夜襲城城陷被執賊引與同坐欲降

之以恒罵賊不屈死

賊字原缺據明史本傳補

贈按察司副使

陝西通志作河

